

聖

六三

萬歷卅十六年至四十年

國權

戊申萬曆三十六年

正月 丑朔 上不朝

鹽官談遷孺木著

己未吏科給事中姚士慎上四事渙俞旨以昭大信謹中旨
以絕倖竇正刑典以振紀綱停營繕以蘇物力不報
巡撫雲南陳用賓令守備王之瑞等攻賊直抵元謀敗之偽
總管鄭舉官兵未集進攻羅次知縣熊尚謨拒卻之攻祿豐
又隔元謀嵩縣官兵進復武定祿豐賊遁遺金餌兵又棄印

於地我兵爭印啟篋無有也阿克夫東川為土酋兄弟所獲
丙申四川地震聲如雷

甲辰許班白洪大二酋仍貢市

丙午謚鄭府東垣王翊鏜恭懿

工部主事范汝梓言皇上靜攝以來經筵竟廢今并

皇太子講學而廢之後聞東宮侍衛有詣政府促令上請者

此何事而令瑣侍衛急之在皇上固非自為作述計而

在輔臣亦非所以為皇上計也不報

辛亥吏部左侍郎楊時喬請定六科內補外補正推閣推一

遵舊制以息兢端從之

壬子司禮太監成敬同兵部閱視京營

丙辰安南賊復侵欽州百戶孔榕把總祝國泰等死之

是月犯甘肅官兵先後斬一百四十五級

二月初朔故吏部右侍郎何孟春贈工部尚書孟春先閑住已

復秩至是吏部言之

增吏部司官一專筦冊庫

己未夜南京見壽星在丙位

壬戌工部右侍郎劉元霖言先河決蘓莊今浚朱旺口成叙

諸臣勞部以少浮俟酌議
癸亥總兵柴國柱為平羌將軍鎮守甘肅王邦佐鎮守陝西
互易之

甲子予故廣東總兵官左都督陳璘祭塋

乙丑兵部覆巡撫雲南陳用賓請討叛夷阿克

京師昌平地震

己巳進兩廣總督戴耀太子少保廣西巡撫楊芳右都御史

壬申忻城伯趙世新領南京前軍都督府

三胡子朔寧夏天鼓鳴

雲南布政司 叅政楊俊臣按察司副使羅希益率都司汪

如淵叅議康夢相僉事龔雲致率叅將張名世左右布政彭應

時率游擊裴希度分三三道進兵擊賊

兵部覆貴州候代巡撫郭子章以土舍安堯臣獻印追還鎮

雄當歸貴陽惟是堯臣幼繼隴姓已離水西鎮雄固其巢穴

彼原隨把目十年生聚一旦飄搖不能無慮撫臣宜諭安疆

臣念在手足分割一隅令堯臣率眾安居毋致兩失所依則

終聖恩而消隱禍也從之

丁酉禮部言一見干都司統衛所二百有四城面城站五十

其酋長自都督以至鎮撫貢市自開原入京歲十月驗放
入關如次年正月不至邊臣邊臣則奏請定奪自萬曆三十
二年六月自建州海西入貢至三十五年並不至近遼東撫
鎮題
不肯入市既併毛憐等衛取勅印又併海西
南關首目若卜占吉若猛骨孛羅等衛而有之雖婚姻不顧
惟北關若那林孛羅與弟金台失竭力死守為延旦夕又聞
其飾名姝捐重糴以結北且開原止市馬不市參乃強載
參斤倍勒高價更聞
與弟速
多智習兵信
賞必罰妄自尊大其志不小聞精兵三萬有奇而遼東戰兵

不滿一千思之可為寒心今即未聞罪宜詰所以違貢者何
故如桀鰲負固則暴罪革賞

陳繼儒曰遼地南臨大海西起榆關東抵鎮江延袤二千
三百餘里一酋一以百計子姓部落以數十萬計直前屯
者為賴蟒等直遼遠者為獐兔拱兔等直廣寧者為小歹
青以兒郎黃台吉等折而西北則虎憨兔憨為王而東
西部皆屬之北則煖赤伯言他不能等折而東北則卜言
顧等又折而東則炒化等此河西三面也踰三空河東
則額伯革打大威等直海州西孛兒敗伯言等直遼瀋西

煖兔寧賽等直開原西而北則惚恍大等東北則北關東
則南關遼瀋之東則一速等北河東三面一也而一環繞
如處重圍而三分河斷連為二一又插入其內據心腹而
居之蓋無地非一馬而又無重關峻嶺為之限隔朝入則
朝獲夕入則夕獲蓋無時非一馬大抵馭一之法日合日
離一則其黨可携合則其焰難撲而建一之合有二東則
虞其與北關合也西則虞其與西一合也一無所不合則
我兵無所不分而全遼之累邗可知也今建一甚強惟有
決戰而用間謀以連衡寧賽遣重兵以擁護北關則東合
者可離也北關既梗則建一不得越北關而西一亦不
得越北關而東代往來之陰謀破自連之黨與則西合者
又可離也此禦建一之定局也

戊戌兵部議立鎮雄土司下撫按訪其的裔

唐大章曰鎮雄固巴蜀一土司耳即欲為隴氏繼絕彼自
有得為隴後者非甚難於處置也所難者在安羌臣之竄
入耳令土婦代攝之初當事者急慮其後而請立之羌臣
安得而生心願乃開門而揖之入幾釀大釁煩我有後獨
水西強饒十倍鎮雄而家難可乘大欲有屬羌臣雖意在

隴而猶不厭於隴者故我得招之使去耳夫安去而隴存
宜無難處或謂隴無嫡派不若設涿官而却縣之夫播州
不法顯受殲夷且有議此舉為輕發者隴無罪而裂其土
地氓其宗祀帝王興滅繼絕之義當不若是矧世、為守
土之臣哉忍一隴而携諸夷之心其若後患何然則以隴
立隴、可立矣立隴其易處者也

庚子兵部職方主事葉世英以東夷漸熾可虞議增兵曰西
兵可募土著可招官舍可增議增餉曰復邊輸以實塞土通
錢法以濟軍儲查新官以責協濟贖改戍以便民情復標鹽

以鼓樂輸

癸卯雲南叅將張名世同鄭舉等以二千餘人從阿克切營
預伏以待夜賊果至大破之斬阿克尼三百十二級益搜捕
其黨先後共六千一百餘級鄭舉逃東川

戊申誅劇寇安南新安州酋長滿都該

乙卯巡撫雲南陳用賓總兵官黔國公沐畷奪俸尋免用賓
以阿克失事也

談遷曰阿克寇省下沐畷登城賊望麾蓋羅拜則懾於世
威雖逆豎稱戈猶未敢肉視 當時堅堞以守坐待援師

計之工也撫鎮俱媿奪欲印則印假更求其上求陳典之
首亦將斬頭以予之手堂、撫鎮彈壓數千里而見侮小
醜承其涕唾如恐不及其為遠夷所笑甚乎哉

大風霾

戶部請撤稅監安遠陽不報

四月己朔大風霾

戊辰發臨清德州二倉粟各萬石煮粥賑山東

庚午改設西寧副總兵

辛未命順天尹禱雨

己卯朝鮮陪臣國王李昖薨次子光海君瑄嗣母金氏請

封上命國人詳議臨海君何廢光海君何立具以聞

起劉綎雲南討賊總兵官

壬午河西銀定歹青入犯總兵柴國柱先後擊斬百六十

二級

貴州黃平安撫司使羅袍改土州同知安撫同知楊位副使
楊開運改土州判官重安司長官張體乾副長官馮國瑞俱
改土吏目草塘甕水二安撫司宋世孝猶國柱俱改甕安縣
土縣丞餘慶長官司毛守爵改餘慶縣土縣丞白泥副長官

司楊鯨改餘慶縣土主簿

五朔成朔禮部儀制主事鄭振先劾閣臣朱廢李庭機等大罪
十有二又摘庭機禮部時私遣序班李維葵往款建州衛致
二年不貢其遣諭建州亦經會議非私也 上以誣詆請普
州判官前工部主事范汝梓請永寧州判官

沈德符曰禮部即論山陰十二十二大罪其事之裝飾不
足言至謂礦稅棍徒皆其家人所得禦人之貨盡歸朱私
索此則舉朝所不信而又指其師晉江且暗摘其門生詞
林以杜後日大拜此又自有人指授然亦不怒矣戊申以

後新咨命下瓦正亂鳴攻太倉晉江未已而攻崑山攻湘
潭者四起不惟聖主厭聞而邸抄俱以資席間談柄矣

戊子京師雨雹

鑄益府延寧王印

己丑兵部言朝鮮鴨綠江西為

豆滿江北為忽刺

溫沿江則藩胡專報聲息自兩酋締婚忽刺溫侵及諸胡并
之且勿侵及忽刺溫 忽之間有迴波部落業折入於 目

中寧有朝鮮哉望勅朝鮮飭備宣諭

各守界毋擾

從之

丙午謚韓府長樂王謨埶榮安周府京山王在銖昭憲厚武
王朝增溫穆代府潞城王廷福恭恪德府紀城王常澍溫裕
府咸平王載塔溫順

丁未予故甘肅總兵官太子太傅左都督連雲祭葬

庚戌封瀋府安慶王理垣德平王理雖德府廣宗王由櫟咸
平王常祭趙府洛川王由研益府延寧王由挺豐城王常澍
甲寅閣臣言稅監高淮激變山海關致衆千人攻圍淮急劫
管關兵部主事通判迺回請罪之
巡撫浙江右僉都御史甘士价為大理寺卿雲南左布政使

薛夢雷為巡撫雲南右副都御史南京通政使張鳴岡為南
京兵部右侍郎右春坊右諭德林克俞為南京國子祭酒
浙江左布政使王一乾為應天府尹

乙卯劉蓋臣嗣誠意伯

是月浙直大雨水壞麥禾廬舍亡莫南京水入皇城福州饑
談遷曰戊申大潦在浙嘉湖為甚民涿而不殫撫按告災
朝廷蠲折有差而是秋頗登明年夏初吾縣亦賑升斗之
惠沾及踰歲脫饑民果待此其索我枯魚之肆乎

六月辰朔兵科都給事中宋一韓請追勘先年棄寬奠六城致

殘獲章下兵部

戊午設貴州貴定縣

庚申遼東稅監高淮誣劾

同知王邦才叅將李獲陽劫

稅命逮之

甲子奪兩廣總督戴耀功賞以太僕少卿申用懋言其失事

也

戊辰夜火星逆行入女宿

己巳巡撫南贛汀韶兵部左侍郎朱汝華為戶部左侍郎

辛未望夜月食

暑獄法司請釋輕繫三十餘人久不報

甲戌遼東總兵官寧遠伯李成梁罷

丙子前工部尚書姚繼可卒繼可字

襄城人嘉靖乙丑

進士知南陵奏最拜四川道御史巡直隸因陳邊務拂當事

左遷 歷右 都御史巡撫陝西累長工部致仕居官幾

五十年宣勞盡瘁未嘗少玷予祭葬贈太子少保

己卯夜月犯昴宿

謚周府曲江王勤燿瑞靖

設貴州太平代守備

是月雲南官兵擒鳳恩弟問阿克鄭舉安在云三月十七日
敗走問前所斬首非克乎云嘗飾年貌似阿克者二三人防
不測今當往東川也於是檄東川首祿壽祿哲獻賊否且問
罪祿氏期厚購果縛獻焉
設欽州守備官罷交夷互市

七月丙朔大理寺左少卿牛應元為右僉都御史巡撫南贛汀
韶通政使右通政王永光為右僉都御史巡撫浙江起前右
副都御史張悌巡撫連東南京太常寺卿徐申為南京通政
司使前右副都御史王汝訓為南京刑部右侍郎

總督薊遼蹇達請撤稅使高淮命召淮下司禮監其福陽
及遼東額稅令督理通灣稅務兼攝
禮部右侍郎楊道賓請恤南京水災報可

丙戌前太子太保總督薊遼兵部尚書兼右都御史蹇達卒
蹇字汝上重慶衛人嘉靖進士知頴上祥符進禮部主

事歷今官年六十七予祭葬贈少保

辛卯薊鎮總兵官署都督僉事杜松為征前將軍總兵官
鎮守遼東兼備倭總兵官

總督倉場戶部右侍郎游應乾卒應乾字順之婺源人嘉靖

乙丑進士

壬辰予故巡撫延綏右副都御史何東序祭墓東序字
猗氏人嘉靖癸丑進士歷戶部郎中出知徽州毫髮不淄移
禳州工聖駕大閱詩進副都御史母喪廬墓三年忤高拱家
居四十年餘所著益智兵書百卷多出人意表九愚山房集
佐右集行於世

丁酉京師地震

己亥前廣東按察使僉事管志道卒志道字登之太倉人隆
慶辛未進士授南京兵部主事憂去丁丑上張居正書規其

奪情補刑部主事戊寅春婚大禮成言九事秋進員外事冬
出為廣東僉事分巡南韶被劾降鹽課司提舉庚辰察免己
酉復原秩致仕其學近禪年七十二

庚子予故兵部左侍郎詹榮祭墓

癸卯賜楚王華奎書院額曰崇德

山西總兵官都督僉事馬棟調薊州永平山海總兵官兼備
倭總兵官

己酉宣府副總兵署都督僉事王尚忠為總兵官鎮守山西

庚戌前南京右都御史謝鵬舉卒鵬舉字

蒲圻人嘉靖

癸丑進士授戶部主事

歷今官年九十三予祭葬

癸丑太僕寺少卿張養志為寺卿

甲寅畿郡地震

勦、煖兔等屢挾賞以千騎犯界嶺石柱松亟擊之追斬二

十二級

八胡午南京太僕寺卿王國為南京太常寺卿

己未太常少卿項應祥為右通政

刑部右侍郎沈應文為刑部尚書巡撫應天右僉都御史周

孔教為右副都御史總理河道巡撫保定兵部右侍郎兼右

僉都御史孫瑋為右都御史兼戶部右侍郎總督倉場

辛酉夜火星順行女宿

雲南道御史史學遷請補謚忠節直諫德業詩文理學諸臣

癸亥逮前巡撫雲南右副都御史陳用賓總兵官黔國公沐

叡臨沅叅將都指揮張名世祿勸知州黃榜以黔國公沐昌

祚奏武定尋甸失事功罪 科給事中蕭近高宋一韓劾用

賓予印冒功皆微下獄論死前左布政使薛夢雷免官

謝肇浙日用賓在滇十六年其防西事最急至於建開堡
營屯田檄暹羅以分緬勢俾騰永之間帖席者二十餘年
功亦懋矣而變起肘腋倉皇失措遂至身名俱隕悲夫蓋
嘗竊論滇事若游居敬無罪而無功者也李材李先著罪
少而功多者也用賓功罪相當者也而皆身嬰縲紲或以
喪軀保事之難不其然乎

辛未四川右布政使周嘉謨為右副都御史巡撫雲南起前
右僉都御史趙燿巡撫保定兼理海防軍務起陳薦刑部右
侍郎太常寺少卿項應祥為右僉都御史總理糧儲兼巡撫

應天

戊寅昏刻南京天鳴聲如涿水

李庭機屢求去不允

庚辰南京天鳴陰、有聲

巡撫遼東右僉都御史張悌疾不至

許浙直蠲賑及寬江西夙逋停饒州燒造

大田縣稔瑞穀其兩穗徧畝

九月朔先是王錫爵辭召上密揭曰邸報中惡言詈語指斥
朝廷 皇上置而不理謂我之量大彼久當自止不知此輩

賈直沽名其氣愈盛君父至尊必自立無過之地然後令出
惟行請幡然降旨盡除閔稅召還內臣仍散內庫之有餘濟
邊儲之不足天下必懽呼踴躍以頌聖德留中章奏亦自有
緩急如推補九卿以吏部都察院為急庶官以科道為先科
道喜拾風聞故考選久停與其故裁抑留不肖以塞賢者之
塗孰若補疎通簡新進以決舊日之壅此臣私論言路陰散
狂黨為今日攬權最上策也揭出時謂導輕言官於是南京
戶科給事中段然論王錫爵與朱賡揭擅權亂政不報
丙戌南京太常寺卿唐鶴微疾去

巡撫甘肅大同右僉都御史周盤霍鵬各加右副都御史
丁亥予故總督倉場戶部右侍郎游應乾祭墓贈戶部尚書
應乾婺源人嘉靖己丑進士

甲午武定賊阿克鄭舉平

丙申湖廣左布政使胡桂芳為右副都御史巡撫貴州兼督
理湖北湖南川東軍務順天府丞李炳為右僉都御史巡撫
遼東起王象乾右都御史兼兵部右侍郎總督薊遼保定起
孫丕揚太子少保吏部尚書
甲辰總督陝西三邊軍務太子少保兵部尚書兼右副都御

史徐三畏卒三畏字

任立人萬曆丁丑進士知絳縣擢

戶科給事中歷今官

總督兩廣戴耀令總兵官孔憲卿海南兵備副使蔡夢說征
交寇擒渠帥十二人斬千五百餘級

十月戊前吏部文選郎中顧憲成為南京光祿寺少卿

丙寅工科給事中何士晉劾錦衣衛左都督王之楨為輔臣
爪牙輔臣心腹亟宜顯斥不報

丁卯總督兩廣軍務兵部尚書兼巡撫廣東戴耀削籍

庚午刑科給事中張國儒言臺省五十餘人共糾朱廢奸狀

而尚書趙世卿曲媚之在皇上下奮乾斷不報

丙子禮科給事中張鳳彩論王錫爵容揭宜寘其人斥其說
刑科都給事中蕭近高亦言之不報

庚辰許朝鮮李暉嗣封

械阿克鄭舉立相魯傑司克鄭宗舜楊禮立仕魯鳳恩第鄭
國賢入京武定印終不可得改鑄去軍民字

是月銀定互青犯寧夏廣武營巡撫黃嘉善檄兵援之總兵
蕭如薰同署副總兵都司馬允登鎮城游擊潘國振廣武營
游擊江應詔玉泉營游擊賀維楨合兵至井溝斬八十二級

河東「犯甘肅屯昌寧官軍擊斬百十六級

十一月酉故戶部尚書陳棻贈太子少保

甲午太僕寺少卿吳連可為南京太僕寺卿

丙申夜月犯畢宿

巡撫河南右副都御史沈季文致仕

河南道御史黃吉士等議補謚先臣理學則端曹賀欽王時

魏勳望則張佳胤劉應節王用賓楊

魏時亮王世貞節

義則余懋學吳中行傅應楨周怡陸燾浦鏞劉魁孟陽清介

則軒親王之誥段民朱鴻謨

戊申前太子少保戶部尚書畢鏘卒鏘字廷鳴石埭人嘉靖

甲辰進士除刑部主事歷南京工吏部尚書改北戶部致仕

加太子少保三賜存問年九十二予祭葬贈太子太保天啟

初謚恭介

十二月甲寅朔葉向高請補閣員

乙卯建州等衛

札勒等貢賞如例

許江北蠲卹

己未夜大風東安縣飄火星色白大如雞子狀如雨雪着物

不熱

辛酉前太子少保兵部尚書王世揚卒世揚字 廣平人

萬曆丁丑進士授行人拜御史進太僕寺少卿歷右僉都御史巡撫宣府綏定屬夷縛史首獻俘請釋之累功至今官世錦衣衛百戶予祭葬贈太子太保

沈澗曰公嘗媿史首事使稍依史當事者意首且擊鼓諸附麗皆得顯官而公不慮不為首功然豈以易而於數十年教帖公良於趾門人遂巡勞苦公顧曰子勞我良厚今小民寧枿耶朝刺一穉馬莫刺一穉馬幹與幾何已泣然泣嗚呼公所

甲子兵部尚書李化龍請閱邊命御史熊廷弼黃吉士孔貞一吳亮劉光復楊一桂穆天顏侯執蒲分任 琉球入貢

壬申故翰林院檢討陳獻章謚文恭布衣胡居仁謚文敬

乙亥先是來暈大台吉犯薊鎮河湍口大掠而去復糾連棟漢兒台吉等入寇連山驛總督王象乾巡撫劉四科等請杜松搗東之巢障其內顧松出中左所之長嶺山夜至哈深免襲拱免營斬二百四十六級復寧遠兵備 馬拯謂拱免乃款夷也巡按熊廷弼以聞

寇錦州陷大靖也

王罷戰沒

己卯靖江王任昌薨憲定王長子履祥天履祥庶子玉哥幼弟履祐閑之深宮自攝府事

是年工科左給事中王元翰上言雲南去京萬里往來僅黔中一綫滇西金沙江可一葦達四川之馬湖有路由普安至田州皆不過添設數驛塗羊水穩既可通金陵又可出荆襄亟宜踈濶以廣入滇之道由粵由蜀又水路由江四道並進則土司諸夷自失其負固之勢可不煩征剿不報徇賊數百掠河津稷山等四縣踰旬由潼關入山西掠芮城

等縣又紅山嶺盜八百餘人涿劫廊涇靈臺

己酉萬曆三十七年

正朔申朔上不朝順天尹進春

丑刻永昌府地震連旬

乙酉外戚李誠銘嗣武清伯特恩不為例

己丑享太廟

庚寅先是河涿口之矢各屬夷伯牙兒滿旦屠記等皆踵賴蟒之後率部夷脅賞而賴蟒復糾東黃台吉欲犯喜峰口

總督薊遼王象乾議賴蟒其父長昂皆宣鎮款。白洪太之
壻長昂妻皆在宣鎮市賞其類在薊有貢賞有撫賞有木市
馬市之賞計不下萬金薊賞停革止論而躡於近郊賞於兩
鎮非計宜併革之嚴諭西。毋西行宣。毋助逆以孤賴蟒
之勢。上是之。

壬辰王象乾調薊鎮總兵官王國棟以黑峪口夷丁道免先
山晨炊清河人悞謂。也爭入安定德勝門重城晝閉司禮
太監成敬曰此必訛也果警兵部置塘報。上始安
葉向高請補兵部戎政兩侍郎不報

乙未閣臣請東宮講學不報

裁浙江戶部監兌主事改巡視河南山東七馬御史年滿例
轉舉劾

戊戌折海寧餘杭臨安漕糧

初賑浙西災發鹽課千萬六千金俄改分賑應天巡撫浙江
右僉都御史甘士介請如前旨不許

己亥邊民訛警涿都門者數百人九門盡閉命分營兵守備
庚戌總督薊遼王象乾進右都御史兼兵部右侍郎
故兵部右侍郎詹榮贈工部尚書

故武定知府陳典推官白明通知縣毛文彩下獄
劉文徵曰是役始於激成終於無備阿克夷乳臭子出
不意發難人情皇駭竟莫能禦方首之造舟彼岬也偵者
詣郡再三報皆默、尋拂然怒杖偵者於是疆吏不敢言
而江干之舟盡濟矣城已被屠會城方知始而設幟募兵
未幾寂然賊奸細日夜往來或僦屋於大姓城上金鼓旌
旗俱不設夜刁斗無聲賊至西城下渠魁皆席地坐呼城
上人傳語六門盡閉勢不能不予以叩且意援兵至擊其
情歸可以完郡符而不虞後事之難憑也

慶王火府

壬子都察院照磨郭良翰陳時政闕失不報
貴州仲夷阿牙等作亂定番金筑間多殺掠

周府傅平王在詢糾論諸宗不法章下禮部

李化龍仍少保兵部尚書還部總督漕運李三才進戶部尚
書兼左副都御史高舉于若瀛為右僉都御史巡撫浙江陝

西

二明寅吏部驗封郎中胡國鑑被論調南京

建州衛夷來朝有火哈等二人上書語甚謾略曰故地九百

餘里新立碑為據連東六萬餘人俱逃避徭役蓋欲沮勘地者於是御史房壯虎馮嘉會等益追劾李庭機遣使召侮也
乙卯故朝鮮國王李昖謚昭敬命行人熊化封李暉朝鮮國王及妃柳氏

戊午魏國公徐弘基領南京右軍都督府

己未兵科左給事中王元翰請遠撫檄諭

往市貢

止許三百餘人近建州海西諸夷闖入關千五百餘人

夜白氣如匹練自氏入太微垣歷於井

癸亥巡撫順天劉四科進兵部尚書兼右副都御史

有狂人被髮入寶定門稱聖號執之

故襄城伯李承功贈少保

甲子吏科給事中劉道隆拜跡去不問

乙丑閣臣上講章及東宮就學不報

丙寅雲南道御史鄭繼芳劾工科左給事中王元翰貪婪不法受賄數十萬巡廠庫乾沒亡筭元翰奏辨為王錫爵申時行吐氣竟不奉命而去初戶科給事中王紹徽善湯賓尹營爰立甚急嘗語元翰曰公語言妙天下即一札揚湯君湯君且為公死世間如湯君可恃也元翰辭焉紹徽銜之因族繼

芳撫元翰

丁卯丹壽寧公主駙馬都興讓尚之

駙馬

戊辰左諭德顧天峻李騰芳各自去南京科給事中改然

追論沈一貫王錫爵朱廢以及天峻騰芳乞與同譴劉

時俊復論騰芳不報時臺省之勢重有宣城崑山二黨宣城

則湯賓尹崑山則顧天峻也天峻高亢自得賓尹淫污無行

三

庚午署吏部事左侍郎楊時喬卒時喬字工饒人嘉靖

乙丑進士授工部主事予告補禮部改尚寶司丞又予告歷

太僕太常寺卿南京通政使至今官佐銓五年司兩計謝絕

私交若學清修時論無間予祭葬贈吏部尚書謚端潔

卒未禮部左侍郎楊道賓卒道賓字晉江人萬曆丙戌

進士及第授編脩歷司業祭酒至今官溫良端亮正人倚重

予祭葬贈禮部尚書謚文恪

甲戌鳳阿克等入京以小醜不獻俘

免江西三十六年後魚課

戊寅廣西總兵官黃岡為左軍都督府僉書寧晉伯劉天錫

為前軍都督府僉書

庚辰蕭雲舉改吏部右侍郎吳道南為禮部右侍郎俱兼翰林院侍讀學士

辛巳巡按連東御史熊廷弼奏前巡撫趙楫總兵李成梁等棄寬奠六城堡地延袤八百里概作逃民為韓宗功者六萬四千餘衆

既得地立碑開原云爾中國我外國兩家一家等語又歲犒之五百金宜作碑還地而事在兵部督鎮非臣敢預也 上不報

陝西總兵官孫仁於青羊永樂城值 斬十級 是月北 犯寧夏以西巡撫楊時寧總兵杜桐禦之斬一百

二級副總兵馬孔英斬百五十級游擊馬躍龍斬六十一級

中軍江廷輔斬三十七級平 參將鄧鳳漸斬二百五十四

級玉泉營游擊崔張名斬二十九級大壩守備石棟斬十三

級廣武營游擊李永芳斬二十七級中衛參將蕭如蕙斬三

十四級套 再復犯河東靈州參將吳宗堯斬十四級興武

營游擊高廷梧斬四十六級花馬池副總兵蕭韶成斬五十

級 寧夏新志

前國子祭酒陶望齡卒望齡字周望會稽人萬曆己丑禮闈第一進士及第授翰林編修歷今官學守冲穆御戚沈一貫

未廢在相未始睡附妖事起力脫郭正域予祭墓贈

謚文簡

三月午朔「銀定」青犯寧夏中衛初邊夷拜彥兒密告警衆將賀世勳猶弗備被其殺掠既犯廣武游擊滿國振江應詔賀繼禎合拒之斬八十二級

甲申巡按遼東御史熊廷弼極言遼左危急

丙戌武昌火

工科右給事中王元翰拜疏去

丁亥北「忠順」夫人率部衆補去年首五路台吉補貢二年

已丑總兵杜松知東「念哈」派兔之捷亟勒全賞兵部覆許

之

庚寅前巡撫廣西兵部右侍郎兼右

都御史楊芳卒芳字

巴縣人萬曆丁丑進士

辛卯「拱兔」犯錦昌堡犯錦州各戕我兵數十人陷大勝堡蓋素款於我見剿小「歹青」激誘之以五千騎深入小凌河二十里游擊于守忠戰敗失亡千餘人

壬辰西寧生番入邊盜馬守備李希梅追之見殺

戊戌南京守備撫寧侯朱繼勳疾去

庚子謚衡府平度王翊鏃恭懿

南京國子祭酒林堯俞罷

辛丑申刻金星見未伍

仲苗劫貴州甕坑忽電如拳斃四人歸州大雨水壞民舍

總督河道工部尚書曹時聘卒時聘字 獲鹿人隆慶辛

未進士

壬寅安堯臣襲水西宣慰使

癸卯詹第王圖為禮部右侍郎署翰林院事

平江伯陳啟嗣為前軍都督府僉書

丙午郭祚延嗣成安伯邦相子

丁未大風霾

申飭科場事宜

戊申內監請神器工部執爭中使至閣求如擬葉向高封還

原奏

己酉前太子太保南京刑部尚書趙參魯卒參魯字 鄞

人隆慶辛未進士選庶吉士授戶科給事中風裁甚著言事

請高安典史稍遷饒州推官歷右 都御史巡撫福建有威

惠冢宰闕雖繫望以沈一貫同里引嫌不用年十予祭
塋贈少保謚端簡

辛亥臨沅總兵官孫仁為鎮西將軍鎮守延綏
是月倭入琉球據國王尚寧

四子朔先是臨沅總兵孫仁等剿火落赤火落赤比年西回
通河北猶架橋河工構永真諸酋窺內地官兵追擊斬六十
餘級先後得百餘級

癸丑大學士王錫爵九疏乞放不報
吏科都給事中陳治則拜疏去位

己卯封鄭府常潏東垣王唐府器培永興王器圻永壽王德
府由保紀城王代府萬鐸潞城王淮府翊銷金華王蜀府奉
鐸隆昌王周府朝暉邵陵王敏荒慶成王
倭犯温州

五朔午謚代府和川王萬鉉端簡

巡撫福建右僉都御史徐學聚報獲倭艇內二十七人俱日
本人餘朝鮮呂宋派人當待以不死

癸未前太僕寺卿連標卒標字貞甫解州人萬曆丙戌進士
選庶吉士授江西道御史首請冊儲劾罷太常卿徐元春歷

按四川山東有能聲壬寅進尚書少卿癸卯進本司卿尋轉
太常少卿提督四夷館丙午太僕寺卿仍督夷館年四十五
予祭葬

甲申成國公朱應槐領左軍都督府

乙酉興化府地震

丙戌割黃平州之重安司屬清平縣改重安司長官為清平
土縣丞土主簿以地近清平而於黃平險遠也

泉州地震

庚寅建昌土官安世隆為蒼頭那因所弑妻祿氏殺那因烏

蒙土知府祿承爵欲併之俾祿承令襲秩於是京山沈嶺等
大掠

壬辰故太子太保王用賓贈少保

甲午總督陝西三邊軍務顧其志考滿進右都御史兼兵部
右侍郎

乙未歷城牛生犢二首二鼻三目

庚子延綏副總兵張承胤為鎮西將軍總兵官鎮守延綏

辛丑金州天鳴地震

甲辰旌唐王碩曠周世子恭枵柘城王肅濠原武王長子在

錦湯陰王府奉國將軍載燁汝陽王府輔國中尉勤毅鎮平
王府鎮國中尉睦梁等賢孝各賜勅

建寧洪水驟發又大兩三日夜水浸城溺人亡筭
乙巳刑部言熟審渝期不報

丁未誅滇賊鳳阿克鄭舉等

建州衛都督

遣子器骨奴以萬騎修南關寨又勅

七千騎進屯廣順關犯靖安堡時那林孛羅新沒子金台失
嗣叅將曹文煥資以火器

賽煖兔等窺開原巡按御史熊廷弼請募兵屬械收宰賽以

孤其援

尋導諭減車價還張其哈喇佃子故地廷

弼言舊鴉鵲關與橫江未歸徒以一山溝了局何益宜如前
議剪其翼而嚴為備

六月庚戌朔諭釋輕繫

辛亥南京禮科給事中晏文輝請補南署卿貳時惟侍郎吏
部趙士登戶部趙欽湯兵部張鳴岡右僉都御史丁賓通政
使王國餘皆空署

壬子豐潤地陷

甲寅禮部議宋儒羅從彦李侗從祀孔子廟廷

乙卯更鑄武定府印并武定所百戶印及嵩明州免兒關巡檢司印各一

戊午命貴州改食淮鹽

己未永康侯徐文煒惠安伯張元善並卒

辛酉甘肅地震紅崖清水等堡壓軍民八百四十餘人壞邊墩凡一百七十里東關地震南山崩

甲子吏部尚書孫丕揚引疾求去不允

乙丑左諭德顧天峻謫行人司正李騰芳謫太常寺博士給事中陳治則謫國子典簿劉道隆謫戶部檢校王元翰刑部

檢校

丙寅邗刻月當食隱雲不見

己巳吏科都給事中久不補教官候憑者至七八百人或窮死吏部請權宜給札閣臣持之請速補堂科不報

庚午領中軍都督府英國公張惟賢改後軍都督府

壬申繁峙民李宜妻牛氏生二女連首分手足

以五千騎叩關挾索參直

甲戌南京通政司使王國為兵部右侍郎兼右僉都御史巡撫保定山西左右布政使魏養蒙為右副都御史巡撫山西太

僕寺少卿李思孝為右僉都御史巡撫河南

右諭德史繼偕為南京國子祭酒

余啟元為南京大

理寺丞

丁丑倪尚忠為左軍都督府僉書

延綏、猛克釋力等挾賞掠邊犯保寧之波羅叅將高繼光
擊斬二百五十餘級

七月庚辰朔遼東開原靖安慶雲堡各增戍千五百人連陽清河
堡瀋陽各增千人寧遠前衛量增二三千人給餉三十萬鎰
甲七千以巡按熊廷弼言也

昏刻有大星赤色自中天派至近濁小星三隨之

癸未免杭湖嘉興馬價一萬九千餘金

乙酉日本對馬島酋玄蘇平景直等貽書朝鮮入貢朝鮮以

聞兵科給事中宋一韓議當事者便宜一札以折其謀

丁亥宋一韓言建州衛強請購兀兒虎荅聽北關金台失西
歸宰賽合勢說虎慙免慙檄朝鮮咸義州以北時為應援不
報

庚寅曹于汴為吏科都給事中

辛卯復黃梅瞿九思貢士初知縣張維翰激民變藉九思求

解不得更謂九思鼓象被斥

壬辰太常寺少卿項應祥為右僉都御史巡撫應天辭不起
甲午右春坊右中允湯賓尹為左春坊左諭德署國子司業
丙申始增連士解額五人

戊戌右都督杜桐為總兵官鎮守保定

庚子旌故四川按察副使蒙城王綸，正德丁丑進士除刑

部主事諫南巡死，幾旌其閭曰顯忠

壬寅葉向高代李庭機求放不允

是月禮部主客司主事劉元卿卒元卿字

安成人隆慶庚

午貢士倡學里中給事中鄒元標薦之即家授國子博士召

進主事乞歸所著書多行世刑科給事中彭惟成請謚

八月丙朔命刑部司官審決江南北關內外

寧夏副總兵凌應登以原官提督京城巡捕

辛亥刑部右侍郎陳薦改南京

壬子謚周府堵陽王胡璠恭懿

甲寅福州大雨閩縣烏石山崩

乙卯蔣孟育趙用先為左右諭德

壽寧縣大雨水

辛酉夜月犯土星

丙寅布衣朱蘊奇卒蘊奇西安護衛人家貧僦居織網中為生從御史馮從吾受學一介不苟嘗一下獄四日不食黃冠竊官米粥之寧死不啜同舍生知其故周之始食士大夫高其節事母至孝長安知縣楊鶴特構居屋之年五十一以苦節終當道閱之卹其冢

乙丑禮部主事徐紹吉中書舍人歸子顧為科給事中行
人姚鏞潘琪刑部主事孟萬祥巫山知縣張惟任貴縣知縣
容大德為試監察御史

丁丑存問崇王翊鏞年七十

初山西宣大饑福建江西大水畿內山東徐州蝗河南陝西
四川湖廣皆旱

是月京省主試順天左右諭德蔣孟育趙用光應天右諭德
何宗彥洗馬南師仲浙江編脩黃國鼎刑科給事中周曰庠
江西翰林檢討盛以弘刑科給事中張國儒福建檢討雷思
霽戶科給事中王紹徽湖廣編修龔三益戶科給事中顧士
琦河南吏部主事王宗賢兵部主事胡思仲山東刑科給事
中彭惟成工部主事邵輔忠山西尚寶司少卿魏可簡兵部

主事曾珍陝西吏部員外郎袁宏道兵部員外郎朱一馮四
川戶部員外郎張之厚刑部主事王元雅廣東刑部主事鄒
元會工部主事趙賢意廣西戶部主事劉仲斗行人丘懋煒
雲南戶部主事朱之臣中書舍人李成名貴州大理寺評事
立雲肇行人陳伯友福建大雨水鄉試改十二日

九月朔南京天鳴

癸未徐汝孝嗣興安伯夢賜子

丙戌申飭遼東屯田巡檢御史熊廷弼奏遼地可耕遼兵八
萬以十三屯田歲可百二十萬石上善之

辛卯南京右都御史沈子木卒歸安人

己未進士

贈

弘光初

謚恭靖

神機營都督僉事施德政為總兵官鎮守福建廣東副總兵
鄧鍾元為總兵官鎮守貴州

倭至昌國衛參將劉炳文不敢擊又不報遂掠溫州之麥園

甲午擇惠王妃劉氏

丁酉故黔國公沐畷卒於獄

戊戌左副都御史詹沂拜跡去命冠帶閑住

總督宣大馬鳴鑾考滿加右都御史兼兵部右侍郎
己亥國子祭酒周如砥自去命閑住

庚子連東自總兵外原設左右二協西協今寧前也至是總
督王象乾增於開原曰東協改遼陽東協曰中協

乙巳套口沙計犯神木蔡家溝叅政杜煥率兵誘之入伏獲
三十七人又入雙墩子踰月入阿壩堡

夜東北有大星青白色自上台派西北至近濁

丁未諭停刑

南京守備撫寧侯朱繼寧還空臨清失水卒於鈔關主事許

鼎臣稽行除名

南京兵部尚書孫鑛罷

是月，擾寧夏東邊總兵杜桐追至吾刺若素斬百二十八

級

十 甲寅瞿九思授翰林院待詔

乙卯霍丘王府輔國中尉延臺詐為僧入京奏父鎮國中尉
充候為克學毆死擊登聞鼓刑科給事中杜士全論其越關
奏擾禮部閱其意與出城赴關者有間 上是之

丙辰右春坊右庶子翁正春為少詹事兼翰林院侍讀學士

署院事

丁巳先是南京

道御史王霖言禮臣議謚浹歲未決署

禮部事右侍郎吳道南言易名重典臣何敢徇但當詳核毋
令滋疑如故禮部尚書馮琦公論止聞嘖有頌言謂辛丑試
錄與外間不同今見在御前乞發甚無二則疑跡明而謚典
定矣

戊午朝日壇房火

命黔國公沐昌祚管攝鎮守

壬戌折湖州六七兩年白絹

十月辛巳前總督宣大軍務太子太傅兵部尚書楊時寧卒時

寧字

祥符人隆慶二年進士知曲沃擢吏部主事歷

隆兩淮運判稍遷太僕卿累進今官予祭葬贈太保

甲申李錡襲襄城伯承功子

丙戌曉火星犯氐宿

戊子前廣東布政司參議胡仕化上所作大學註解正宗

癸巳誠意伯劉蓋臣為右軍都督府僉書

張慶臻嗣惠安伯元善子

乙未協理京營少傅兵部尚書李汝萃汝字

任丘人嘉

靖壬戌進士授 部主事歷右僉都御史巡撫陝西夏去起
兵部侍郎協理京營進尚書海套諸 入犯出鎮逐 收松
山之地累功再膺錦衣千百戶年 十 予祭葬贈太傅
丙申免應天屬縣災租
蜀賑畿南

丁酉順天府尹由遷喬為通政司使南京光祿寺少卿許樂
善為南京通政司使太僕寺少卿徐民式為右僉都御史巡
撫延綏
戊戌南京右軍都督府僉書王鳴鶴為總兵官鎮守廣東

庚子裁遼陽都司僉書改設騎兵游擊

壬寅翰林院簡討張邦紀為右春坊右贊善

徐應坤嗣永康侯文燁子

乙巳右春坊右庶子傅新德為太常寺卿署國子祭酒

丁未英國公張惟賢進少保兼太子太保

十 丁壬子盜殺初授如臯知縣張藩於徐州

陝西總兵官王邦佐為南京右軍都督府僉書

丁巳前少保邢玠為南京兵部尚書

巡按遼東御史熊廷弼請補改 科給事中賀欽謚

設連東東路副總兵

戊午前兵部侍郎李禎為南京刑部尚書陝西布政司右
叅政許弘綱為左副都御史太常寺少卿田大益為通政司
右通政總督倉場右都御史孫瑋署都察院事
五萬騎謀犯鉄嶺衛趨廣寧傳會諸部

庚申王國柱嗣成山伯允忠子

辛酉左右諭德湯賓尹朱之蕃並為右庶子兼翰林院侍讀
右中允孫慎行為左諭德顧秉謙鄧士龍郭汲為左諭德俱
兼侍講南京國子司業朱廷禧為左中允

壬戌夜月食既

甲子命順天尹禱雪

乙丑工部屯田主事邵輔忠論總督漕運李三才貪險假橫
結黨徧天下前圖枚卜今圖總憲腹有小豁口皆劍戟彼四
岳薦鯨漢臣訣莽天下之大可憂在小人竊據蕭牆之內也
時三才需次內臺輔忠首劾之繼以御史徐兆魁三才奏辨
而工科給事中馬從龍御史董元舒彭端吾南京工科給事
中金在衡為三才辨俱不報

談遷曰李脩吾本縱橫押闔之才收採物情用財如深

水仕路翁附方稅璫橫甚當事袖視獨能捕其爪牙令大盜引之斃以尺筭群奸少戢則權術之效也其敢名結客望隆一世以餌善類而榜清深門戶之說於斯而盛傳云母使滋蔓、難圖也李氏之黨蔓矣月滋歲引與國俱敝能母慨乎

己巳假太僕寺金二十五萬工部稅金十五萬餉邊

庚午勅宗人府續脩戎戎以後玉牒

甲戌左庶子馮有經拜跡去

乙亥「犯遼陽長定堡陷屯堡二十四殺千五百餘人飽掠

而去邊吏不以聞後按巡御史熊廷弼行部得其狀劾叅將蕭如蕙游擊張昌胤王紹芳充為事官戴罪分子東寧右叅政謝存仁罰俸六月

是年隴川平

雲龍州土知州段嘉龍殺妻虐衆為族舍段進忠所殺

庚戌萬曆三十八年

正朔寅朔上不朝

乙酉享太廟

前南京工部尚書朱天球卒天球字

漳浦人嘉靖庚戌

進士授工部主事歷南京大理卿累進今官致仕十有八年
年八十一

丙戌初代府樂昌王廷壻有子萬鈺以濫妾生至五十未娶
禮部請酌處給冠帶聽其婚不名長子不攝禮其襲爵俟身
後請旨從之

癸巳禮部下前萬曆三十一年議補謚兵部尚書伍文定南
京刑部右侍郎吳悌右僉都御史魯穆左僉都御史楊繼宗

石城所吏目鄒智近議大理寺卿陳恪尚書司少卿孟秋御
史劉臺兵部尚書毛伯溫吏部左侍郎張元禎左諭德張元
忭南京禮部尚書陶承學太常寺卿魏良弼吏部右侍郎趙
用賢刑部右侍郎張紳巡撫大同右副都御史張文錦魏允
貞戶部左侍郎郭惟賢兵部右侍郎李威春許孚遠工部尚
書劉東星戶部主事周天佐戶科給事中楊允繩錦衣衛經
歷沈鍊禮部右侍郎唐文獻戶部右侍郎張養蒙太子太保
左都御史溫純南京吏部尚書曾同亨鴻臚寺卿張朝瑞
工是之於是閣擬伍文定謚忠襄吳悌謚端簡魯穆謚端毅

楊繼宗謚貞肅鄒智謚

陳恪謚

孟秋謚

劉臺

謚 毛伯温謚

張元禎謚

陶承學謚

魏良

弼謚 趙用賢謚 文毅張紳謚

張文錦謚

李威

春謚 魏允貞謚 介肅郭惟賢謚

劉東星謚 莊靖唐

文獻謚 文恪張養蒙謚

許孚遠謚

周天佐謚

楊允繩謚

沈鍊謚

温純謚

曾同亨謚

張

朝瑞謚

時故南京戶部郎中鄭材揭

趙用賢不宜謚禮

部遂不上禮科右給事中周永春等言材文恪鎮宣大一籌

莫展嫁女蔣遵箴總督陝西三邊與許敬宗嫁女藥苗同其

謚襄敏亦宜奪不報

甲午 世廟妃壽尚氏薨

乙未總督薊遼王象乾工所輯皇明開天玉律 高皇帝聖

訓

丙申吏部大計外官降斥有差

戊戌刑部尚書沈季文致仕

總督陝西顧其志巡撫延綏涂宗濬報斬獲猛河二酋共百

八十二級

薊鎮總兵官王國棟劾免

辛丑清平伯吳國乾弟國坤冒襲清平伯下法司
壬寅定覲官見鴻臚寺禮府官自南廡至堂如賓出北廡府
佐及縣官執單自南甬道至露臺立收單出北甬道候演禮
餘首領官仍舊
癸卯光祿寺卿王守素致仕

二劫甲四川雜谷安撫司都綱頭目枚弟堅藏等貢方物湖廣
四川貴州各長官司阿角等族新貴州縣等土官并貴州宣
慰司安克臣各進馬
辛亥翰林院庶吉士汪輝為編脩

壬子閣臣進講章不報
巡撫陝西右僉都御史于若瀛卒若瀛字

人

予祭一

乙卯禮部右侍郎兼翰林院侍讀學士署詹事府事翁正春
知貢舉吏部右侍郎兼翰林院侍讀學士蕭雲舉王圖禮閣
脩青溪縣龍虎山宮殿給三萬金

戊午翰林院庶吉士林欽楫張廣李光元唐大章李標為編
脩李康先來宗道張萬韓文煥丁紹軾汪元極為檢討梅之

煥妣宗文為吏戶科給事中徐養量傳振商為浙江江西道
御史潘潤民為禮部儀制主事

己未南京國子祭酒史繼偕為南京吏部右侍郎總督陝西
三邊軍務右都御史顧其志改南京右都御史

雲南左布政使王貽德致仕進太僕寺卿

庚申南京兵部職方司郎中錢一策劾李三才貪婪不法跡
留中

辛酉通政司使倪斯蕙卒斯蕙字

應州人萬曆甲戌進

士知蒲城累遷今官視躬謹厚予祭葬

癸亥李守錡嗣襄城伯

甲子朝鮮國王李暉入貢求封其子祉

乙丑通政使曲遷為糾故南京戶部郎中鄭材私恨趙用賢

妨公典時材跡入遷喬不以上材并劾遷喬等壅蔽

庚午福餘衛屬夷也燈莽大各求倍賞加幣三衣一襲

濬餘杭縣南湖佑四萬金

謚泰和王載類恭莊

癸酉夜有大星色青白自參宿派西南二小星隨之陽曲縣
星隕天鳴

三月亥朔賈子備為浙江按察使

戊寅陝西右布政使汪可受為順天府尹南京太僕寺卿吳
達可為南京光祿寺卿

征西將軍寧夏總兵官蕭如薰改 將軍鎮守薊鎮、守

山海關總兵官麻貴為征、前將軍總兵官鎮守遼東中軍
都督府僉事姚國忠為總兵官鎮守固原

壬午前南京尚書司卿蔡悉為太僕寺卿南京兵部右侍郎
張鳴岡為總督兩廣軍務兵部右侍郎兼右僉都御史
丙戌內官監少監冉登封朝鮮世子李祉

右春坊右贊善孫如游署南京翰林院事

禮科給事中張弘教請選庶吉士不報

通政司使由遷喬應天府尹王一乾劾罷

辛卯策貢士韓啟等三百人賜韓啟等進士及第出身有差

試日貢士田吉以浙江道御史徐疋魁傳遞被糾下禮部言

策末宜宥還籍候再試降散從之

壬辰黃嘉善為右都御史兼兵部右侍郎總督陝西三邊軍

務劉士忠為右僉都御史總理河道

南京大理寺卿林燧為刑部右侍郎光祿寺少卿洪文衡為

太常寺少卿提督四夷館

癸巳湖廣道御史房壯麗劾湖口稅監李道違例乞貶封宜
罪不報

乙未夜四川石泉縣地震有聲

丁酉改東川土司聽雲南巡撫節制以巡按雲南御史鄧漢
言之

戊戌獲嘉縣牛生犢四頭目二口足

辛丑朶顏等入貢

謚鄭府繁昌王厚燦端順

閏三月丙午朔桐栢縣大雨雹

己酉巡撫遼東右副都御史張悌辭不赴

癸丑南京鴻臚寺卿劉日升為南京太僕寺卿陝西左布政

使崔應麒為右副都御史巡撫陝西貴州左布政使趙健為

光祿寺卿

丙辰起楊鎬右都御史巡撫遼東

乙丑山西總兵官王尚忠劾免

己巳大雩

許翰林院待詔瞿九思致仕給月廩五石

壬申前吏部尚書蔡國珍卒國珍字汝聘奉新人嘉靖丙辰
進士例除禮部儀制主事自乞改南京刑部主事改南吏部
累遷今官素履無玷產不干金予祭葬贈
謚恭靖

甲戌前戶部左侍郎盧維楨卒維楨字漳浦人隆慶戊

辰進士授太常寺博士進吏部驗封主事周歷諸司十年進

太常寺少卿歷太僕光祿大理卿至今官性寬和無疾言遽

色居鄉以不戢家人見譏予祭葬贈戶部尚書

乙亥都督張國柱為總兵官鎮守山西

四丁丑正陽門樓火嶠縣有羊產四目二尾八足

甲申南京戶部右侍郎兼右僉都御史提督糧儲趙欽湯致

仕

李邦鎮嗣臨淮侯

丙戌前光祿寺卿王守素卒守素字德履涇水人萬曆丁丑

進士授杭州推官進禮部主事歷郎中至今官年六十六

丁亥器四厥火

陽曲太原清源交城等地震有聲

庚寅丁狡兒兔歹青等數萬騎駐蒲河謀犯遼陽

乙未巡撫江西右副都御史衛承芳為南京兵部右侍郎

武昌大冶縣蝗

丙申封肅府紳耶鉛山王周府肅沛京山王肅濟湯溪王在
錦原武王代府鼎衷和川王

辛丑發金十五萬粟三十萬賑畿內山東山西河南留四川
福建今年稅賑其旱饑

湖廣崇陽縣風霾晝晦

壬寅莖夷人利瑪竇於

門外利瑪竇大西洋歐邏巴國

入入廣南兼通儒書所著交友論山海輿地全圖等書製自
鳴鐘鉄琴地毯等器俱巧異其游南京禮部右侍郎沈澗奏

逐之曰訪閩海則佛郎機人其王豐肅原名巴里狼雷先年
同黨詐行天主教呂宋國奪之改號大西洋諸星曆同人龐
迪我畢 湯若望等行其教不廢

王錫爵曰軒轅氏言制天下得百里者萬國而禹貢周官
言九州固在今天子幅幘內耳及古所稱諸戎亦多稟正
朔矣漢通西南夷唐置安西四鎮皆去中國萬餘里則古
帝王所未有也而耶律德光遣人窮天地所盡凡五年而
歸開闢所未嘗至今西泰親見南極出地三十六度是與
中國之載履正相值矣昔張騫見印杖藜醬知去巴蜀不

遠遂有鑿空之事後有知地毬之可統而徧也將無令東
出端木而入於涿沙北自幽陵而歸以交趾觀天地之員
方驗星宿之遠近矣

吳中明曰鄒子九州裨海之說閔大不經世傳昆命山東
南一支入中國顧水皆東流而西北一支仍居其半亦莫
能明也地廣且大矣齊州之見東西南北不踰萬里囿於
所見或意之為小限於所不見或意之為大意之皆妄也
利山人自歐邏巴入中國著山海輿地全圖其國人好遠
游時經絕域則相傳而志之積漸年久稍得其形之大全

然而南極一帶亦未有至者要之三隅推之亦無謬也

談遷曰利瑪竇謂航海西二年達廣南今其徒不絕抑皆
自歐邏巴而至者乎地果遠海果廣雖發未即至至未即
源、而來沈文定所謂佛郎機人理或有之而一統志載
默德那國尚天教諳術數雕鏤宮室精巧頗似大西洋吾
意其人蓋近夷也騶衍談天在中國已誕其說况域外恢
奇之士子安盡徵信哉

竹谿縣大雨雹貴州永寧赤水二衛大風雨俄雪形如土磚
壞田舍燕河路產豕二百六蹄二尾不乳

五胡子吏部考功主事王三善乞勘李三才不報前言官劾其
貪救亦不一前吏部員外郎顧憲成上書曰三才至
蕪空澹漠勤學力行孜孜不倦為古醇儒甚且比孔子故三
才曰若然則攻者當屬非聖之奸不行勘何以服諸臣心云
云三才少負才名家通州歷官有赫、聲任山東藩臬治尤
著凡大盜大猾擒治殆盡民得安生但豪俠自喜好通餽遺
撫淮一、年覬大拜多結游客交譽於顧憲成憲成訪之初
常疎三四明日備百簋憲成訝而問之答曰昨偶乏即寥、
今偶有之故種、憲成以此不疑其豪侈亦為游揚致吏部

且壽而攻三才者即以為憲成玷三才挾縱橫之術與言官
角公論益詘之

戊午順天府尹汪可受為右副都御史巡撫大同太僕寺少
卿崔景榮為右僉都御史巡撫寧夏
乙丑西寧參將張應學除名兵備道
馬朝陽鐫級以失
陷李希梅也

丁卯工部左侍郎王汝訓卒汝訓字
聊城人隆慶辛未
進士知元城拜御史歷南京光祿太常寺卿進左僉都御史
尋轉右副都御史巡撫浙江觸忌去已復官起南京刑部右

侍郎轉令官直節敢言最清約沒餘四壁予祭葬贈工部尚書謚恭介

壬申領左軍都督府成國公朱應槐卒應槐萬曆辛卯嗣爵頗恪謹有稱

癸酉吏科給事中姚士慎擅離任降調

六甲戌朔追論長定堡失事連東副總兵佟鶴年免

丙子大學士李庭機乞休疏百餘是日赴恩善門頓首仍工章文華門不允

己卯陝西宜君縣雨雹

七 辛亥叙甘肅文武功

蘓祿國王恭定東至五代孫安守孫等奏復原糧七十五石不報初永樂十五年國王巴都噶叭塔刺率妻子來朝還卒德州賜葬祭命長子都麻答還國偏妃葛本寧次子安都祿等及陪臣國人守其墓支德州倉粟免徭役所生子女月一石萬曆丁亥五月主事張世才裁六十九石止存九石壬子魯臯辭湖廣按察副使不赴加太僕寺卿致仕

戊午賜崇王翊鑄祭葬

辛酉琉球國中山王尚寧告倭警緩貢命續進

丙寅永順宣慰使彭元錦以助大工加都指揮使銜賜蟒服
封婦汪氏夫人

裁莊浪縣學訓導一

己巳分守涼州右副總兵孫邦熙為鎮朔將軍總兵官鎮守
宣府

八劫寅法司釋輕繫八十人

己卯翰林院脩撰張以誠等乞 皇太子出講不報

壬午山西右布政使原邦俊為右僉都御史整飭薊州等處
兵備兼巡撫順天

旌德王常清孝義賑饑

癸未追封魯府壽鏞安丘王謚康懿

甲申刑科給事中彭惟成上法祖交泰十六則敬天聖學尊

賢視朝儲教容言召對立政用人勤民去諛甄別賤貨如尚

闕異推誠彙錄以獻

丁亥前南京尚寶司卿蔡悉上 高皇帝程子大學錄

辛^卯寅刻火星逆行婁宿五度五十分

丙申總督宣大軍務兵部右侍郎兼右都御史馬鳴鑾卒鳴
鑾字 內江人萬曆甲戌進士授工部主事歷今官其鎮

寧夏平哮氏制五路台吉亦善其畫年六十三予祭葬贈兵部尚書

海州潮溢

九朔邗朔居庸昌平總兵都督僉事常世濟為左軍都督府僉書

江西左布政使李長庚為應天府尹

右春坊右庶子兼翰林院侍讀湯賓尹為南京國子祭酒

丁未吳遵周嗣清平伯國乾子其國坤冒襲城旦三年

戊申劉嗣爵嗣廣寧伯

己未前刑部右侍郎詹仰庇卒仰庇字安溪人嘉靖乙

丑進士知南海拜御史以伉直名晚稍隨時而大節不渝也

予祭葬贈刑部尚書

癸亥遵義民家產承一編體如象牙鼻皆全

乙丑起趙煥刑部尚書少詹事兼翰林院侍讀學士翁正春

為禮部左侍郎兼官如故

前吏部左侍郎兼翰林院侍讀學士孫繼皋卒繼皋字

無錫人萬曆甲戌進士第一授翰林脩撰累遷今官庚辰分

校禮闈錄徐泰時泰時以鄉舉倖售被叅者至是見收士論

少之年 十 子祭

前巡撫河南右副都御史沈季文卒季文字

吳江人萬

曆丁丑進士

十月亥蠲濟南青登萊今年田租賑立縣崇邑等

庚辰刑科右給事中周曰庠劾承天守備太監杜茂不法不報

辛巳申刻金星晝見順行在牛宿

旌肅王紳克助餉

癸未謚脩武王朝翊莊恪清江王仕晟康定

丁亥皇四子常生

己丑載堃襲鎮國將軍攝陽城王府事

庚寅吏科給事中梅之煥叅東廠李俊誣商榜偏不報

壬辰宛平知縣李嗣善下法司初尚膳監太監馮進朝舍人

毆死刑部令嗣善訊之進朝誣其索賄故下獄禮科右給事

中周永春請宥嗣善不報

甲午夜火星順行於奎宿

乙未署工部事右侍郎劉元霖請禁私錢從之

辛丑諭停刑

十一月壬寅朔日食尾宿初欽天監奏日食七分有餘未正一刻
初虧申初二刻食甚酉初二刻復員春官正弋謙亨等又稱
未正三刻初虧約食七分有奇於是兵部職方員外郎范守
已駁之謂親驗日晷申初二刻略虧西南申正二刻食甚且
不止七分五十餘秒蓋曆官前後俱誤也禮部因言自萬曆
元年至今日食已十餘其差或一二刻以至四刻前代如漢
脩改者二魏至隋脩改十有三唐至五代周脩改十有六宋
脩改十有八金元脩改者三至本朝二百餘年未經脩改豈

能無訛今范守已及陝西按察使邢雲鷺精通曆學有古今
律曆考綜採詳悉可倣先朝給事樂護主事董湘改光祿寺
少卿提督欽天監又翰林檢討徐光啓工部員外郎李之藻
俱究心曆理又大西洋龐迪我熊三拔等俱携彼國曆法諸
書乞如洪武十五年命翰林李翀吳伯宗靈臺即海達見回
、大師馬黑亦沙等譯脩西域曆法事例畫錄其書以補典
籍之闕不報

丙午脩保定清河上下閘

戊午鎮守江南副總兵鄭印為

將軍總兵官鎮守廣西

神樞營右副將都督僉事胡承勛為總兵官鎮守居庸昌平
庚申兵部司務常熟陳禹謨以左氏為兵法之祖輯左氏兵
略三十二卷上之

壬戌初定朝鮮貢把參以生參氾濫也

丁卯諭戶工二部以各邊督撫屢請餉爾部又言帑絀因思
祖宗以來錢糧額設何至今頓匱各省直災傷微解不前
至各鎮民運欠或百餘萬豈盡民負邊餉加徃數倍豈無冒
耗爾部可會議足國濟邊者毋浮言塞責毋專請內帑
己巳令順天尹禱雪

辛未改鳳翔食鹽於靈州以解州道遠也

是月建陽縣火

十 壬申朔鑄延綏東路西路中路各苑糧同知關防河州監
收錢糧關防各一

乙亥予故大理寺卿吳定祭塋贈兵部尚書

戊子旌晉王敏淳瀋王理堯助賑

己丑葉向高考滿進太子太保文淵閣大學士詹中書舍人
時承天守備太監杜茂叅劾中城兵馬劉文藻原陵戶當妖
書起窮治下茂酷拷言官摘之向高即引咎 上大悅曰閣

臣乃為朕任過自後事皆由聽巡按湖廣御史紀事以茂
隸入橫下知府馮勞謙懲之茂遣人脅懇於慈聖上怒逮
勞謙及幕官向高揭其輕發搖民心工心動下茂跡及
世廟護守顯陵碑謂守陵諸人役有犯當奏聞不許擅治違
者即逮地方官向高揭曰郡人訴隸人之橫御史檄勞謙暫
拘釋愈隨即奏請非違制也遂釋

先是隴川宣撫使多安民以守將索賂致入平緬首阿瓦
降以安民歸我安民據蠻灣不馴巡撫周嘉謨屢招諭如故
檄金騰道副使黃文炳署叅將周會副總兵董獻策調夷兵

七千官軍三千令指揮陳于陞烏廷輔進攻而會駐隴川百
里外官兵浹日克二柵據高嶺各軍無統帥無稟畏及蠻莫
兵至指揮退走安民乘勝逐北多所焚殺至是副總兵董獻
策擊敗之誅安民麓川平立其弟多安靖

乙未 皇次孫 由檢生東宮選侍劉氏出

庶子前少保兼太子太 吏部尚書建極殿大學士王錫爵
率錫爵字元馭太倉人嘉靖壬戌進士及第授翰林編脩歷
禮部尚書直閣 上重其品署名御屏書曰清正眷注獨隆
文行脩飭更鑒張居正事慕寬厚名柄漸旁落屢裁言官於

望稍損甲午引去年七十七有遺跡
工嘉其忠愛予祭葬
贈太保謚文肅詹尚賢司丞

李維楨曰自余有知所見輔臣得君未有若華亭江陵者
然其遺跡具在如公觸忌諱決嫌疑鮮矣
工亦時屈已
從之即不從必使諭其所以令輔臣奏如水投石與群臣
無異而體貌益衰或卧病數年妾之而去枚卜久稽若以
為枝官可有可無不亦輕朝廷羞當世之士耶公去就有
禮其歸與沒
工恩禮視在位倍敦非清忠簡在
帝心
能然哉

辛亥萬曆三十九年

正月

寅朔 上不朝

收抄冊年 刻本缺

兵部尚書李化龍言總督

汪可受得
首聽命闕氏父

矣忠順夫人自俺答來唐酌三王四十餘載捨力克沒四年
恭順無間今卜石免婚封不就咸議停止市賞恐反携衆志
非朝廷字小之仁宜許其貢市報可

談遷曰邊塵不驚欲懲一胡雛遽裁貢市此懲噎廢食其
見與兒童無異長垣更事父老成謀國其可忽乎哉
河間盜起至八千餘人諭兵部即捕之

癸卯巡撫山東兵部右侍郎黃克纘九年考滿進兵部尚書
兼右都御史

丁未享太廟

禮部左侍郎翁正春言朝講宜親儲訓宜舉章疏宜通大僚
宜補考選宜下廢佚宜起不報

壬子巡按湖廣御史史記事以御史德清金明時論吏部右
侍郎王圖及記事等欲斷秦脉傾陷善類先是明時巡閱劾
濟抵知縣王淑忤圖之子及臨京察知不免遂攻王圖史記
事等

癸亥閣題東宮侍班官祭酒方從哲少詹事劉日寧俱禮部
左侍郎兼翰林院侍讀學士協理詹事府事日講官右庶子
黃輝為少詹事右諭德朱國禎顧秉謙俱為左庶子兼侍讀
右諭德鄧士龍郭沔俱為右庶子兼侍讀沈馬南師仲為左
諭德兼侍講禮部儀制主事范可受為員外郎大理寺左評
事羅萬英為左寺副各兼正字充侍書未報

李庭機言在告四年祭典屆期乞放不報

甲子陝西道御史金明時奏辭以史記事鄭振先黨於顧天
峻李騰芳及王元翰徐縉芳等不報

丁卯葉向高三年考滿進太子太保文淵閣大學士廕中書舍人

二月未朔巡撫延綏右副都御史涂宗濬為兵部右侍郎兼右僉都御史總督宣大山西軍務

甲戌蠲薊州去年蝗災田租十之五

乙亥叙延綏卻功先是斬一百二十七級

丙子吏部禁農民竄籍

戊寅汲縣牛生犢首口二目四足七

己卯寶慶府地震

衛時泰嗣宣城伯

戊子總督漕運李三才疾罷令總理河道都御史劉士忠署事

丙申在繫故武昌府同知卞孔時奏父沒去年十一月乞如華鈺例放歸奔喪葉向高亦言之

己亥設廣西思恩縣天柱縣永康州各儒學初天柱巡簡司朱祥教苗人自闢力耕身誨其子弟其俗一變辰州知府常

熟懼汝說請當道縣之進梓知縣汝說又解彭宣慰紅苗之構

沈演曰張齊賢有言夷狄之釁非必自作亦由邊將擾而
致之況西南諸夷各居深林叢菁之間嗜慾不能相通險
阻不能相習其性多疑而少決喜為狙詐而無遠略其智
足以相謀而不足以相馭即一二豪猾自喜跳浪程類之
間躑躅帷壩之內斯已矣非有逖覽遠規跋扈爭衡之志
也昔高皇帝莫是服也不與首爭出因而授之自泯江
一戰而外未嘗有所煩斤斧也第誅其制土司者其制者
之不足逆吾顏行而他固可鞭箠使也威已宣矣要約堅
矣平居則征其賦有事則徵其兵時其絳綬無浚之以生

而時示以不測彼且弭耳馴尾懷我好音將焉用勉令焉
其官之師旅夫乃實府視諸夷又且以彼為非人也而厚
致毒比其稽然而起則虛張兩構之辭以飾已慝而鉤工
恣以致疾焉而快私忿上之人弗察也墨者以屬厭執尤
賢者以避嫌生事憎者以闍幾釀亂激之以所難堪而不
虞其所必至是蚩、者狃小利益恣於是逆形已成不可
悔已失之一嘖笑之間而生靈殄於非辜微調弱於難繼
躋武無烈斬伐傷和向之賦車藉焉為我藩籬者亦更張
屯轉餉寸、為守國家何利赤子何仇不仁之禍無酷於

斯然當其逆形已成之時救之則損威傷重觀聽大奸雖欲避患固不得已又何如見形察影無重其罪迎而銷之為得

庶子甘肅報犯紅崖青湖等處官兵擊斬五百餘級

三 丑 寅 始 京 察

癸卯朱純臣嗣成國公

丙午河南道御史湯屯京察金明時梳察

戊申吏部尚書孫丕揚以金明時倡言要挾逃察命下都察院議處明時奏辨誤犯御諱下一字

壬子天鳴夜分有流星大如碗赤光燭地

甲寅刑部山西司主事秦聚奎言大臣結黨欺君假公害正

去年十二月金明時論翰林王圖今考察免一日孫丕揚論明時要挾嚇逃而卒之明時梳察之跡杳乎無聞今天下大勢趨附奉人今之丕揚非復昔之丕揚矣於是吏科都給事中曹于汴河南道御史湯屯京江西道御史喬允升俱以梳察論聚奎

丙辰孫丕揚叅秦聚奎并以湯賓尹等七人訪單送內閣閣臣葉向高踪如丕揚指議

庚申金明時以不謹例免官其干犯聽部院議罪
癸亥許慶府曾世孫重春嗣慶王

乙丑南京刑部尚書李楨擅去命冠帶閑住
是月河南大雨水傷稼

四劫申多思譚襲隴川土同知

庚辰孫丕揚請發計跡并論秦聚奎命聚奎閑住湯賓尹張
嘉言徐大化劉國縉王紹徽喬應甲樂和聲等視考察處分
金明時削籍吏部參其犯諱也

談遷曰黜幽公典非嫌怨之資金明時言雖非常先發制

人如聽其自鳴自止何來秦聚奎之疑乎南北構黨各持
其臆北察召東林南察則左之朝唯莫黃議如聚蜩彼庶
職止論矣大臣有具瞻之責為社稷長慮慮公體國論事
論品偶犯御諱誤也非罪也

乙酉京察拾遺罷撫治鄖陽右僉都御史黃紀賢
予故浙江巡撫右僉都御史甘士价祭墓贈右副都御史信
豐人萬曆丁丑進士

丙戌旱命禱雨
鑄益王永寧府印

孫丕揚奏計典未盡者量例轉如南京國子祭酒湯賓尹
部郎中張嘉言 部主事徐大化原擬不謹御史劉國縉擬
浮躁王紹徽擬山東右叅議喬應甲擬陝西按察副使岳和
聲擬慶遠知府報聞
戊子隴鶴書襲鎮雄土知府鶴書原名阿卜始祖隴飛沙來
附數傳至來鳳而絕黔苗安克臣贅壻欲奄有之後命王隴
氏女官者氏以阿因應阿因魯卜之六世孫改曰正名衆不
之推乃立阿卜
怡神殿災

傳制封韓王宣眷西德王朗鈺長樂王璟漳益府嘉善王由
本永寧王由穗淳河王由栻陽和王載望太和王翊舒臨淄
王常瀝石泉王宣塊

壬辰改蕭雲舉吏部左侍郎兼翰林院學士署詹事府事
癸巳兵科給事中朱一桂論祭典刺孫丕揚王圖云東林一
脉人言頗不滿或謂其把持有司或謂其選執朝政舊歲顧
憲成遺閣部書強辨李三才致清國是今歲吳正心一書請
處七人止漏徐屯魁彼自悅劉季陵之高風強預人事足
定東林與叅東林之斷案手近公車之贖俱云起廢獨今日

一東林明日一東林即知時局又何怪丁元薦出死力為異
日地哉時無錫顧憲成及高攀龍等脩宋儒楊時東林書院
倡同志士大夫講學黨名始矣

丙申巡按遼東御史熊廷弼立常年倉括贖銀市穀賑邊
丁酉右春坊右諭德兼翰林院侍讀郭涓左春坊左中允兼
編脩朱延禧檢討盛以弘撰詔勅

移四川總兵官於越嶲以南日土官安世隆被刺後妻祿氏
又沒各土寨倡亂

五
辛丑雷燬正陽門旂木

壬寅京畿道御史徐元魁論今年察典盡趨東林蓋無錫有
東林書院宋儒楊時祠也顧憲成謫居會諸臣講學於此其
門如市賢節黃正賓冒遷謫名結淮撫李三才東林所至傾
動一時能使南北交攻角勝黨附因糾孫丕揚湯元京丁元
薦等不報

癸卯謚崇王翊鑄曰端魯府新蔡王觀燿恭惠
計跡降斥有差

戊申南京計跡下降斥有差

少詹事全天叙順天府丞黃吉士調用巡撫四川右副都御

史喬璧星罷南京太僕寺少卿左宗鄧太僕寺少卿徐元正
調外已罷邢玠俱拾遺

庚戌翰林院脩撰韓敬疾去敬先師事湯賓尹賓尹在禮闈
越房拔為第一時疑其私而越房取凡十七人言者攻賓尹
及於敬

夏允彝曰金壇于玉立東林中用勝於體之士也於諸生
中獨愛韓敬之才託于元薦與結姻相與互密乃敬為鼎
元而元薦首攻之于玉立實發其機此又人情之不可解
者敬於湯賓尹往來最密取元未必無故以敬之才亦不

媿耳但好縱橫之學恣色貨之好則自非治平之臣要不
至如賓尹之甚每奪人妻而壞人節也

先是丙午四月順義王杜力克死卜石兔當嗣封六年不果
是春五路台吉糾合七十二台吉與素囊為難忠順夫人亦
厚備之總督涂宗濬至鎮素囊受命故事先成婚後議封是
日始婚五路猶恃強脅忠順夫人移捨力克櫬於歸化城分
素囊板升之半與卜石兔忠順不從聲言復構兵忠順懼貽
以名馬金幣乃解

談遷曰款貢藉於闕氏亦非盡誣而一婦人虜聚者三世

獨不可以已乎胡習固無論而堂、天朝亦自有體脫諭
忠順夫人爾春秋高何斬一王印爾孫嗣封固大母也朝
廷所以榮禮夫人者尤其至矣諒忠順無辭以對今污於
雛孫仰煩尺一邊臣拘舊事所云招携以禮豈其然乎
癸丑通政使張養志卒陳州人萬曆丁丑進士贈右都御史
吏部驗封郎中沈孚先考功郎中王采賢俱引疾去

是月西大水廣東江溢壞田禾廬舍溺亡筭

六朝末南京工部右侍郎徐大任劾罷

壬申總理河道兼巡撫鳳陽劉士忠以淮安鳳陽旱蝗酌求

蠲賑章下戶部

丁丑吏部尚書孫丕揚以南京科給事中高節御史王萬

祚見劾求去不允

己卯有日本三人航海過暹羅風漂至南直柘林營命安置

延綏

壬午京師大雨水壞民舍

丁亥總督宣大涂宗濬三年考績進兵部右侍郎兼右都御

史

故兵部尚書余子俊翁萬達補廕其孫余正發翁銳入國子

監

旌故提督御馬草場戶部主事陳原道婦計氏原道柳州人
萬曆戊戌進士卒官計絕粒死

丁酉建州衛

以車價遲貢并勒歲貢至是督撫王

象乾楊鎬云彼車價聽裁歲貢十減其八代為請兵部覆許
之

右春坊右諭德朱國禎為左春坊左庶子兼翰林院侍讀清
理軍職貼黃起劉曰寧禮部右侍郎兼翰林院侍讀學士及
禮部右侍郎翁正春吏部左侍郎蕭雲舉直日講翰林院脩

撰趙秉忠編脩黃國鼎為右中允編脩檢討盛以弘王毓宗
丘禾實張光裕為左右贊善兼檢討先是內閣題催久不報
而戊戌科詞臣至十四年不遷前此未聞也

是月海大風温州獲異舡三有七十三人有二十五人有三
十七人俱婁南人遣歸之

七月初左庶子馮有經翰林院檢討汪元極調用南京餘各
有差

庚子故南京刑部右侍郎吳悌贈禮部尚書金谿人天啟初
謚文莊

命黔國公沐昌祚約束莊戶該地方官各務存體統
癸卯右春坊右庶子黃輝朱之蕃為少詹事兼翰林院侍讀
學士纂脩玉牒

戊申追封肅府淳化康穆王長子縉勛淳化王謚溫裕
庚戌諭吏部會推閣員

辛亥予故太常寺卿署國子祭酒傅新德祭葬新德字

定襄人萬曆己丑進士改庶吉士授檢討脩國史進司業諭

德轉庶子侍讀至今官

壬戌卯刻金星犯木星於柳宿

謚周府魯陽王在鍊端懿

丁卯故禮部尚書馮琦謚文敏初議謚時或以辛丑會試錄

進呈與外傳不同至是子士述以請禮部在侍郎翁正春言

狀還有是命

河南蝗

夜有涿星青白色自織女西北行入貫索

八朔辰朔故揚州土同知羅大冠改授指揮僉事土目 表見

龍起龍改鎮撫加副千戶餘各有差俱立功獻土也

庚辰右春坊右諭德沈濶為左春坊左庶子兼翰林院侍讀

左諭德孫慎行何宗彥為左庶子趙用光郭涓洗馬南師仲
為右庶子俱兼侍讀左中允朱延禧為左諭德兼侍講國子
司業邵景堯為洗馬兼脩撰
蔣承勳嗣定西侯

辛巳許閣臣暫用翰林院印故事閣檄他署以院印時王圖
署院封印出城候命而閣檄俱滯葉向高乃酌請仍趨圖供
職

甲申禮部左侍郎翁正春上萬歲一歲清君心遵祖訓振國
紀信臣僚定賢才謹財用恤民命重邊防

乙酉兵部尚書李化龍從一品三年考滿進少傅兼太子太
保

丙戌改蕭雲舉吏部左侍郎兼翰林院侍讀學士署詹事府
事

前巡撫山東右副都御史萬象春為南京工部右侍郎應天
府尹陸長庚為南京通政司使

前太子少保工部尚書舒應龍起兵部尚書協理京營戎政
福建左布政使丁繼嗣為右副都御史巡撫福建前大理寺
左少卿劉懷恕為右僉都御史撫治鄆陽刑部右侍郎林煙

為南京工部尚書河南左布政使袁奎為順天府戶部廣西左
布政使林如楚為太僕寺卿南京太僕寺少卿錢士兒為南
京鴻臚寺卿

左春坊左諭德兼翰林院侍讀蔣孟育為南京國子祭酒
庚寅密雲人請免寄牧馬如昌平良鄉總督王象乾請計地
十頃牧一馬從之視如通州

壬辰脩懋勤宮端凝壽安殿

甲午申飭海防之禁

九辛丑前南京戶部右侍郎方弘靜卒弘靜字

歙人嘉靖

庚戌進士知東平有果政遷南京戶部員外郎歷江西叅政
治嚴氏獄擬平反株連者屬袁州守整嵩不以夙嫌介意歷
今官簡靜肅穆厲羔羊素絲之節所著四禮議均輸議復古
編籌國稿十一錄諸書年九十五予祭塋贈南京工部尚書
工部虞衡司主事況正宗言明盔甲之濫工科給事中馮從
龍言條例有折脩量脩連補三項今概為補造戰士俱暗甲
惟南郊謁陵大閱用明甲以壯軍容始萬曆九年三月傳造
五千付令盡化為烏有臣謂決無容補造也 工是之
癸卯諭戶部轉趣漕毋阻凍

已酉酉刻 皇貴妃王氏薨妃雖生 皇太子失寵目青此
疾篤太子始知之亟至宮門尚閉扶鑰而入妃手太子衣而
泣曰兒長大如此我死何憾 太子慟左右皆泣莫能仰視
酒更薨

壬子葉向高言 皇貴妃薨四日未見傳諭如禮節未定則
會典載 皇貴妃喪禮甚詳惟 皇太子於母妃前所未有
禮部宜酌上

甲寅兵部請閱視各邊御史勅許之
丁巳葉向高言禮部所上喪禮五日未發明日當報朝之期

乞命下喪儀從厚
戊午禮部上 皇貴妃喪禮
已未陝西相賊渡黃河深劫山西之平陽

辛酉兵部尚書李化龍請止武塗加納從之

癸亥前協理京營兵部右侍郎兼右都御史沈思孝卒思孝
字純父嘉興人隆慶辛未進士知番禺進刑部主事論張居
正奪情廷杖戍雷州居正沒起原官改尚寶司丞歷太僕少
卿順天府尹被言調南京太僕寺卿久之進右僉都御史巡
撫陝西被劾調河南進太常寺卿遷令秩負氣不下人頗畏
之予祭葬

乙丑故錦州游擊于守志論死以安殺啓譽也

十月己夜木星順行犯軒轅

癸酉葉向高請補閣員蓋向高獨任四年請枚卜且百上不報

甲戌禮部言吉王翊鑾於例後進封除長子襲封外餘子不得冒郡爵今王欲少子常源封郡王以次子常汶叔子常澈為例按要例其次子叔子不改亦幸矣常源宜鎮國將軍報可
丙子內官監太監盧進孝部進張進忠馮酒殿軍人死下法

司
戊寅建州衛

補貢加勞金幣

己卯禮部請擇溫肅端靜純懿皇貴妃葬地越三日定天壽山東井

辛巳總督薊遼王象乾報炒化糾東、西犯清河官軍拒卻之

癸未降韓府永福王謨墳為庶人徙閑宅

甲申諭停刑

進王象乾兵部尚書兼右副都御史

予坎南京吏部右侍郎趙士登祭墓涇縣人萬曆庚辰進士
丙戌李庭機言臣自戊申四月二十一日乞放候命四年跡
且百二十有三祈 皇上憐臣予之生路不報

庚寅江西道御史楊文蒞降德州判官添註

十一月唐子陝西左布政使汪道亨為應天府尹

乙巳吏部文選郎中朱光祚為太常寺少卿提督四夷館添

註

丙午木介

戊申浙江撫按高舉鄭繼芳報温州有安南失風舡先後五

十一人送至兩廣總督所還國

癸丑禮部工學政條約命各提學官遵之母易

副總兵初繼祖為總兵官鎮守陝西

以閱視功總督倉塲孫瑋進兵部尚書仍總督倉塲李景元

為兵部右侍郎各廕子入監

甲子命順天尹禱雪

十二月丙寅朔犯墻子嶺

丁卯巡撫順天右僉都御史王邦俊疾去

庚午禮部薦曆學如前陝西按察使邢雲鷺兵部郎中范守

已又翰林院檢討徐光啟前南京工部員外郎李之藻大西
洋人龐迪我熊三拔等不報

甲戌宣貴州仲苗之捷

丙子廣東樓察使知事周道昌上言天變地變妖變朋黨之
變輔臣大臣諸臣乖離之變葉向高引咎上溫諭之

日講官吏部左侍郎王圖出城需命八閱月至是移近地請

命命責赴

已外謚鄭世子載堉端靖魯府滋陽王壽鏞孟津王載堃俱
謚昭順上蔡王翊錕昭敬廣元王術垌溫裕

予故撫治鄖陽右副都御史鄭國士祭葬魏人除慶三年進士

庚辰少傅兼太子太保兵部尚書李化龍卒化龍字長

垣人萬曆甲戌進士知嵩縣歷南京工吏部郎中累遷都御

史巡撫遼東破一進兵部右侍郎疾去後起總督川貴平播

州楊應龍守制訖起右都御史兼工部右侍郎總督河道開

泃河利漕稱才臣之最年五十八予祭葬贈少師謚襄毅再

贈太師前破一廕錦衣衛正千戶平播廕指揮使又廕中書

舍人

戊子暹羅國王普埃入貢

辛卯前通政司右通政周邦傑卒

是年建州衛

殺其弟速

侵兀哈諸酋及其

壻江夷卜台吉旋因其投入北關更與金台失白羊骨脩怨

壬子萬曆四十年

正月申朔

上不朝

己亥葉向高請會推考選大僚不報
癸卯右春坊右庶子郭鴻署翰林院事

虎墩兔憨以三萬騎寇遼東長靜堡官兵擊斬四十一級獲

馬三百五十匹橐駝六十七

甲辰京師天鳴

丙午享太廟

戊申翰林院編脩周道登為國子司業

癸丑宣府懷來延慶二衛地震

折漢川黃梅景陵灾租

丁巳潘陽等營兵追斬二十六級

夜有大星自左攝提行東北至近濁光燭地

戊午總督薊遼尚書王象乾還為兵部尚書

巡漕御史孫居相言申飭漕規三月終舟不過淮安督運司

道等官及領運把總以下各鐫一級四月終不過呂梁徐州

二洪概悉究從之居相又謂舊年糧舡七千八百八十五今

回空止四千一百四十餘三千七百四十五未回請募民舡

二千有奇助運

辛酉工部以 皇貴妃葬暫開事例

二 朔郊大理寺右少卿吳崇禮為右僉都御史整飭薊州等處

邊備巡撫順天梁見孟閔廷申為通政司左右叅議

庚午刑部觀政進士賀仲軾言 陛下不接見外臣殆二十

年初謂中外臣可託職業不知諸臣一考再考輒釋員而去

曾不十年也夫人人盡職事事脩舉尚有不遑暇逸之境况

有不得行其職者哉願 陛下思之也 有所必理民窮財

盡今事那移又貸內帑夫內帑 陛下固不發即發易盡耳

惟是今日之不足不在入之虧額而在用之無藝惟勅責計

臣實心料理又臣有所必體諸有所必訓云 不報

壬申巡按湖廣御史史記事言焚宗當時劫貢止得私書耳

如曰造反其屯兵何地聚衆有幾又何城中寂然無聞也因

請釋英燠等三十三宗於高墻蘊鈔等二十五宗於閑室不報

甲戌巡撫保定兵部右侍郎兼右僉都御史王國考滿加右都御史兼兵部右侍郎

蔣勳嗣定西侯

乙亥大理武定曲靖地連震有聲次日又震緬甸亦如之河忽溢

庚辰禮部議宋儒羅從彥李侗從祀孔廟

辛巳前少傅兼太子太兵部尚書蕭大亨卒大亨字

庚寅巡撫山東兵部尚書兼右副都御史黃克績為南京兵部尚書

辛卯日講官署詹事府事吏部左侍郎蕭雲舉省侍

叙川貴清界善後功進王象乾太子太保廕錦衣衛指揮僉事餘陞賞有差

三朔戌增陝西解額五人

辛丑翰林院庶吉士魏廣微為檢討錢龍錫為編脩麻僖為兵科給事中俱甲辰榜龍錫丁未榜閣臣屢作始下

雲南老撾宣慰司使

遣土目光倫等貢方物萬曆二十

六年失印補給又燬仍求補給許之

壬寅前太子太保南京兵部尚書邢玠卒玠字

益都人

隆慶戊辰進士知密雲拜御史出按甘肅陝河南按察僉事
歷右僉都御史巡撫大同力裁撫賞檄史車二首進兵部右
侍郎勘播州楊應龍會倭急以兵部尚書總督薊遼往經略
朝鮮有斬獲加太子太保廕錦衣衛指揮僉事終養去起南
兵部尚書不赴性易直屢肩艱鉅以功名終予祭塋贈太保
癸卯戶部覆御史孫居相所請募民舡助漕光祿寺少卿徐
必達言民舡必不可募漕舡必不可不補

丙午金筑安撫司改新州轄貴陽土舍金大章乞改添官遂

授土知州世襲

命粥京師饑民

丁未朱自洪嗣武進伯

銀定夏青等以千騎犯三眼井得勝堡官軍禦卻之斬十三

級

癸丑旌東安王府鎮國中尉英鏢賢行

丙辰都察院覆各遣御史不准引疾著為令

是月光祿寺少卿徐必達言會典貢回定限朝鮮泰寧孕顏

三衛女直月零十日陝西四川番僧番族月零二十日又兩
月外不同者住支下程此禮部與臣寺宜共守也邇來踰限
多或百日少亦兩月會簿廳知會提督二館主事高繼先云
欵賞屬戶工二部告匱借給累月經旬而各衙門挂號咨札
役驗之數十復延緩况天子之命風雷比迅奈何牽於臣
下繁文久致稽閣也

四朔辰福王府成禮部請期之國不報時費四十萬餘金倍於
潞府

辛未叙延綏功進總督顧其志太子少保兵部尚書廕子入
國子監巡撫涂宗濬廕錦衣衛百戶總兵王威實授都督同
知廕正千戶俱世襲餘陞賞有差先是猛克什力等犯延
綏斬二百五十一級

甲戌湖廣布政司 參議周汝登為南京尚寶司卿

戊寅雲南臨安府地震

己卯夜月食三分寅三刻初虧欵天監官報一刻初虧六分
二十杪稍異各罰俸三月

庚辰淮安大風雹傷麥

丁酉叙貴州平苗功追加郭子章兵部尚書兼右副都御史

贈陳璘太子太保廕本衛百戶

戊戌大理曲靖雲南等地震有聲

辛丑鎮西將軍延綏總兵官張承胤改征，前將軍總兵官鎮守遼東

壬寅前工部右侍郎劉應節為兵部左侍郎

金星晝見

癸卯左春坊左庶子朱國禎為國子祭酒

浙江右布政使竇子偁山西右布政使陳廉各引疾去

談遷曰竇子偁風裁凝峻判決若神人莫敢干以私蔚為

時望以孫侍御居相薦之時謂居相東林黨其塗甚左子

偁知墮疑網遂爾乞身子偁固不因人而熱獨惜以一薦

刻永銅名彥亦可為長太息者也

乙巳署都督同知官秉忠為鎮西將軍總兵官鎮守延綏

平叅將楊應光為署都督僉事總兵官鎮守四川

甲寅初代王爾鉉元妃亡子卒御人裴氏生鼎薄亦卒王請

鼎薄為世子其母未籍託內助張氏撫之張氏生鼎莎而嬖

進封次妃乃言鼎薄母實裴氏鼎莎母則張也為嬖請更之

前禮部左侍郎李庭機執前說言裴氏非奏選以濫妾鼎薄

不宜立張氏奏選馮莎宜立撫按勘議裴氏雖丹亡名而在
嫡存之日張氏繼於裴沒之後裴原類數不繫濫妻張本內
助不得稱嫡王之誤初在不為裴請補既在溺愛宜立長禮
部左侍郎翁正春輯上之不報越數年馮莎卒馮薄始立
周應賓曰古者大事必引經以斷之昔者魯惠公之妃孟
子也繼室以聲子生隱公已而宋仲子歸於我復生桓公
惠公之禮仲子夫人也欲以桓為嗣國人弗是也桓隱而
立之隱探先君之意將以國讓桓竟為桓所弑穀梁曰隱
之讓桓非正也可謂輕千乘之國矣蹈道則非也胡氏復

內神其說曰禮諸侯不再娶無二嫡也惠公欲以愛妾為夫
四人隱公欲以庶弟為嫡子皆非也然則薄其隱乎莎其桓
乎吾其以春秋之義斷斯獄矣

辛卯封荆世子慈江夏王蘊缺

襄城縣 臣傷麥妖火生無定踰月乃息

五甲午朔日食

庚子南京光祿寺卿吳達可為通政司使翰林院編脩溫體

仁為南京國子司業

命福餘衛頭目婁也葦更名貴英授都指揮僉事勅節制四

衛部

永寧衛所隸貴州土司改隸四川

辛丑前南京大理寺丞葉茂才為南京太僕寺少卿

壬辰前南京大理寺少卿顧憲成卒憲成字叔時無錫人萬

曆庚辰進士授戶部主事改吏部予告二年補驗封丁亥言

事請判桂陽卒外進泉州推官壬辰擢考功主事以會推忤

時相制籍戎申起光祿少卿不赴講學東林書院善類翕附

所著藏稿劄記十二卷大學通藏稿二十二卷天啟初贈吏

部右侍郎謚端文

談遷曰顧先生風期矯一擇步而趨誠世之有道仁人也

雖善毀之口疇能訾之其貽書銓率力薦李三才始為射

的而附之彌衆東林之風與時為消長初信於野未盡信

於朝天啟初諸賢登用俱其臭味於是後學群趨甚至黜

者借其名種者籍其利遂肇疑於天下瞻鳥爰止迄於垂
世顧先生身不蹈李范之禍而流末不深類之子未盡詳
六朝午浙江總兵官楊崇善報日本以三千人入環球執中山
王尚寧乞檄朝鮮絕倭之入全羅慶尚者從之
壬申溫肅端靜純懿皇貴妃發引已酉整天壽山 皇太
子送至玄武門
甲戌南京戶部尚書鄭繼之為南京吏部尚書
丁丑蒲州天鳴
已卯宣廷綏甘肅之捷先是 銀定歹青入犯斬三百餘級

襄城縣大雨冰淹男婦七百三十人

庚辰總兵官李懷信為署都督僉事總兵官鎮守臨沔

通惠河決

丙戌前禮部右侍郎兼翰林院侍讀學士郭正域卒正域字

美命江夏人萬曆癸未進士選庶吉士授編脩轉右中允左

諭德歷 庶子國子祭酒至今官博洽敢任留心大計所著

黃離草江夏志武昌志國朝典禮志等書行世予祭葬天啟

初贈禮部尚書諡文毅

談遷曰郭美命負其才學見忌四明借妖書傾之雖莫能

神亦爰。殆矣美命身名無恙。四明反增其玷。然則開偃
下月之黨與同文之獄者亦可廢然中悔也。

或子順義王忠順夫人死。計聞諭祭七壇。賻絹帛各如禮。
會談遷曰：忠順雖一胡婦，最機警善馭其衆，所部奉約束惟
美謹，款貢以來藉之糜。四十年彼感漢德，終身母有二惜。
其年高死，不能少待吾，豈憂遠在哉。

瞿九思曰：三娘子以一婢妾賤人而得專三王，寵夫豈獨
其以色勝哉。觀大板弁之。且知兵奈諸酋不從，何始黃台
吏吉所奪諸酋婦至多，及一朝得三娘子而盡棄之，此不可

謂能乎。每讀書出三娘子者多，妾窈則未嘗不怪柔媚之
傾意信有之也。

已丑前巡撫應天右都御史陳惟芝卒。孟津人。

七月己朔，應天府丞衛一鳳為右僉都御史，撫治鄧陽。

錦衣衛鎮撫史晉下獄。晉為科給事中，宋一韓訟冤。
編詆當事大臣通政司使。參駁左副都御史許弘綱
奏辨不問，葉向高特糾之，遂逮訊。

丁酉前總兵官麻承恩以原官入連調。

己亥錄平滇寇功，進巡撫周嘉謨兵部右侍郎，仍任。

巡撫福建左副都御史丁繼嗣奏琉球使入柘壽陳華等報
中山王尚寧已歸國特脩貢雜日本物請留正使候旨餘給
廩遣還非常所貢者并擊回從之

犯寧夏巡撫崔景榮令平營參將滿國振偵塞外總
兵姚國忠同副總兵王宣先馳至平營果竊入戰大青
口沙山灣每日斬百七十七級銀定頭目白奈哈與焉

唐子履祐嗣靖江王

辛丑少詹事朱之蕃為南京禮部右侍郎
丙午巡撫保定右僉都御史王國疾去

丁未前廣西布政司參議李樂為尚寶司卿添註
丁巳大理寺左少卿劉學曾為右僉都御史巡撫保定四川
按察使王舜鼎為陝西右布政使

辛酉雲南按察使方萬里卒萬里歛人萬曆丁丑進士授行
人拜南京河南道御史敢直言歷任滇蜀人俱思之

少詹事黃輝卒輝字南充人萬曆己丑進士自庶吉士
授編脩進右中允直東宮歷諭德左右庶子遷今官累推禮
部右侍郎不下其人清正絕塵古勁為時所重

八月戌朔湯國祚嗣靈璧侯

癸亥賊六千騎犯遼東鎮遠堡掠軍丁三百人牲畜上笑
套犯延綏保寧總兵官秉忠參將杜文煥等敗之於白
土澗斬三百五十四級及頭目十五人
丙寅何熊祥洪文衡為大理寺左右少卿
壬申榮王翊鈐薨
致仕翰林院待詔瞿九思上聖壽五套樂章二十五首又萬
曆武功錄鏡歌
甲戌巡撫湖廣右副都御史張問達為刑部右侍郎提督操
江右僉都御史丁賓為工部左侍郎太僕寺卿林如楚為大

理寺卿

前江西道御史顧龍禎降山東濱州判官

丙子巡撫貴州右副都御史胡桂芳為南京工部右侍郎

丁丑禮部右侍郎劉日寧改吏部右侍郎仍日講巡撫山西

右副都御史魏養蒙為兵部右侍郎

戊寅刑部尚書趙煥改吏部尚書前巡撫鳳陽右副都御史

李誌為南京刑部右侍郎前大理寺左少卿錢夢得為南京

大理寺卿

己卯釋宛平知縣李嗣善鑄一級調外

癸未巡按四川御史彭端吾報建昌兩河黑骨裸獠作亂
戎子董應舉為吏部文選司員外郎

是月京省主試順天右庶子郭錫左諭德朱延禧應天諭
德趙秉忠洗馬邱景先浙江翰林院檢討鄭以偉兵科給事
中李瑾江西檢討周如磐戶科給事中韓光祐福建脩撰張
以誠戶科給事中徐紹吉湖廣編脩李胤昌戶科給事中姪
宗文河南太常寺少卿王紀戶部主事徐行可山東吏科給
事中梅之煥戶部員外郎楊述中山西吏部主事郭士望工
部主事王世德陝西吏部主事趙士諤兵部主事蕭丁泰四

川兵部主事張應徵大理寺評事陳向庭廣東戶部主事洪
啟聰工部主事張國維廣西刑部主事來斯行中書舍人沈
士茂雲南兵部主事余大成行人王尊德貴州刑部主事王
家相行人彭際遇應天陝西湖廣俱命不即下改試日

河決徐州

九月壬辰朔吏部右侍郎劉日寧卒日寧字幼安吉水人萬曆
己丑進士選庶吉士授編脩進右中允右諭德歷南京祭酒
少詹事至令官予祭葬贈禮部尚書天啟初謚文簡
東之炒化犯大清堡官軍擊斬三十六級

甲午歲三百騎犯延綏高家堡游擊劉國鎮報千餘騎建昌
堡操守周一獲報三千餘我兵始懼大掠而去
癸卯南京國子監學錄梁曉福等赴任違限訊之
使部以律亥京察科道糾拾大僚未得命南跡下而北跡不
下庶僚下而大僚不下於舊章謂何不報

甲辰四川總兵官侯國弼以番人入建昌免
丙午前太子少保南京右都御史顧其志卒其志字長
洲人隆慶辛未進士知長興歷右副都御史巡撫陝西力劑
礦稅秦人賴之進兵部左侍郎總督三邊累功遷令官憂去

恬澹寡營歎歷多績予祭葬

唐戎謝馬都尉冉興讓落職興讓夜歸邸命開中門故事中
門乳媪往之不即至遂排入乳媪梁盈女評語興讓醉擊之
翌日入奏盈女率數十人毆於東長安門上不知也三奏
不達且怒興讓狂率命太監盧受問狀繫興讓蒼頭中宮傳
旨責教習禮部主事賈之鳳及吏科給事中曹于汴御史耿
鳴雷各請上召問公主正群小之罪不報興讓挂冠長安
門而去命緹騎追之興讓蠶縣人緹騎訪得之於完縣葛洪
山請大學習禮一年老宮婢煬竈蔽明使椒房失其寵結禱

隳其愛舉朝之臣不足敵一婦人亦異矣
丙午大學士李庭機累歲乞休不得命是日踈上唐成陞辭
竟出
辛亥許李庭機致仕進太子太保賜金百幣四禮部主事朱
懋芳護行是日庭機踈辭朝不報

談遷曰晉江南相而杜門甫杜門而五年謂王眷如故乎
則乞休之章累百不止哀如克耳殆非所以優老臣也
工嘗除夕語內臣曰今夕惟楊時為李庭機清寂可念亦
心重其人奪於衆口致成奎驚嗚呼為臣不易信哉

通政司左通政羅朝國為右僉都御史提督操江
癸丑時淮揚鹽監魯保死命內官監
京其三省歲造歸劉成鹽課稅歸馬堂
劉朝往驗錢糧解

戊午巡撫宣府右副都御史薛三才為兵部右侍郎兼右僉
都御史總督薊遼軍務山西左布政使樊東謨為右副都御
史巡撫山西湖廣左布政使董漢儒為右副都御史巡撫湖
廣山西左布政使張偲為右僉都御史巡撫貴州

庚申裁南安會昌二所吏目
北五路台吉等請封卜石免

十月朔始命李成名等十七人授給事中潘汝楨等五十人
各試監察御史黃建中等三人南京給事中郭一鶚等八人
南京試監察御史是選待命數年
癸亥以光祿寺誤工供日膳奪寺卿趙健等歲俸
南京吏部右侍郎史繼偕改禮部右侍郎左庶子沈澗為少
詹事纂脩玉牒右諭德孫如游為右庶子管理清黃
四川左布政使林梓為太僕寺卿
戊辰南京兵部右侍郎衛承芳為南京戶部尚書應天府尹
汪道亨為右副都御史巡撫宣府

順天鄉試第二人章學顏本落卷進士鄒之麟分校互閱搜
落卷首薦左諭德朱廷禧異第二至是禮部左侍郎翁正春
論學顏荒謬又第五人傅皇謨失音叅之麟而不及主房給
事中趙興邦元詩教論其狗庇御史孫居相遂言科場積弊
追論庚戌事之麟以湯賓尹韓敬至文原有所囑而之麟誤
認耳請並詰
壬午龍虎將軍五路台吉進都督同知指揮同知兀慎台吉
進龍虎將軍都督僉事素囊台吉進都督指揮餘陞秩有差
以就封也

甲申諭停刑

乙酉南京太僕寺卿劉日升為應天府尹

丙戌會議庚戌科韓敬等試墨以不謹閑住

丁亥罷鎮守雲南黔國公沐昌祚加沐啟元都督僉事總兵

官鎮守雲南

戊子惠安伯張慶臻為後軍都督府僉書

十一月辛卯朔兵部考選軍政錦衣衛左都督王之楨都督僉事

李楨國南鎮撫司指揮僉事田爾耕指揮同知駱思恭等俱

免又南京中軍都督府僉書定遠侯鄧紹

壬辰禮部左侍郎翁正春左副都御史許弘綱以會議科場

言鄉場不及會場科給事中孫振基劾其畏湯賓尹韓敬

也正春等並註籍

癸巳蜀主宣圻薨謚曰端

戊戌兵部尚書王象乾辭兼都察院都御史

壬寅巡撫山東河南右都御史李同芳李思孝罷

乙巳順天貢士童學顏削籍傳皇謨罰三科進士鄒之麟中

書舍人于登藻量奪歲俸右庶子郭焄左諭德朱延禧各奪

俸六月

禮部議琉球所貢繫倭產者悉携歸國繫其國產許福建收
進給賞即回不必入朝工從之
戊申浙江左布政使吳用先為右僉都御史巡撫四川
庚戌臨汾縣地震
辛亥前四川總兵官劉綎仍鎮守四川
甲寅總督京營寧陽侯陳應詔罷

麟全兄弟乘我兵燒荒入圍山堡掠曹莊寧遠叅將李應
選失亡官軍九十四人
閏十一月禮部言哈密等駐肅州幾數百人歲糧二千餘

石又土魯番等國貢夷除入京七十人外尚留三百人半居
甘州半居肅州每人月糧一石五斗自三十六年入貢未回
夫距京六千餘里豈有四年不往者宜勒回限往返三年從
之

庚午命順天尹禱雪

總督宣大徐宗濬遣序班王弘憲齎封勅至塞下石兔不
至
壬申吏部奏被論各臣奉旨分別去留除三品大臣例從工
裁如南京兵部尚書禮部侍郎史繼偕假回吏部右侍郎

王圖外南贛巡撫牛應元順天府尹袁奎應天府尹劉日升
左諭德黃國鼎俱宜回籍調理山東巡撫李同芳宜回籍聽
用總理河道劉士忠報災不實宜罰治南京光祿寺卿吳華
清操留用尚寶司卿趙鵬程擬新銜太常寺少卿致仕左諭
德邵景先在籍聽用右庶子南師仲調南京左諭德趙秉忠
在籍聽勘南京翰林院侍讀陳懿典在籍調理時諸臣被論
莫道去留部跡工繁議始釋

壬午翰林院庶吉士成基命為編修

甲申永康侯徐應坤總督京營戎政

己丑禮部言福王府第成請擇吉之國有指預備錢糧整辦
成國公朱純臣為左軍都督府僉書

十 二月庚寅朔改國子祭酒傅新德贈禮部右侍郎

兵部請嚴海禁從之

甲午改巡撫湖廣梁雲龍子思春廕入國子監尋禮部主事

田大年論其濫殺楚宗不宜廕竟寢

己亥御史凌漢卿論順天貢士劉琛賄考官行人李一公又

朱良材王廷鼎喬之甲賄進士王象春科給事中朱奇珍

論順天貢士張世偉賄進士王象春並下法司

錦衣衛都指揮使南鎮撫司僉書陳居恭以御史萬崇德論其刑餘冒蔭遂稱疾竟去命免官

壬寅前總兵官王學書為鎮將^朔軍總兵官鎮守宣府

癸卯使科都給事中曹子汴為太常寺少卿

臨淮侯李邦鎮署府軍前衛

光祿寺卿趙健予告

甲辰京師地震

巳酉淮安大雷雨

辛亥順天府尹袁奎罷奎族弟懋麒鄉榜錄五十名奎時提

調避嫌不錄久之懋麒沒給事中余懋孳論奎有意死懋麒

也

張嘉猷嗣彭城伯郭祚久嗣成安伯

大理寺丞張濤為右僉都御史巡撫遼東

癸丑總督倉場孫瑋仍以兵部尚書兼左都御史巡撫甘肅

周槃為右副都御史兼兵部右侍郎協理京營戎政南京大

理寺卿錢夢得為右僉都御史巡撫河南南京太僕寺少卿

五度為光祿寺卿

乙卯徵士王穉登卒穉登字有毅武進人僑於吳入太學工

詩文嘉靖末相國袁輝薦直史館隱居不仕年七十九
丙辰翰林院編脩孟時芳為國子司業

癸丑萬曆十一年
正月未朔上不朝

庚申命遼東撫按諭朝鮮備倭仍令海蓋道繕舟楫預為聲
援時倭伺海上

丙寅禮部左侍郎翁正春請東宮開講福王就國瑞王婚禮

桂王選婚年十不報

壬申南京鴻臚寺卿錢士完為南京太僕寺卿

癸酉總督宣大涂宗濬不領封下部議兵科給事中趙興邦

請收回成命待其款關而後予之工諭兵部曰邊事但飭

備非封邊豈足為中國重輕督撫不得要挾急於竣事以

貽後患

壬午其犯鎮番甘肅副總兵王化中等禦劄之斬二十餘級

乙酉總督河道右副都御史周孔教卒孔教字臨川人

萬曆庚辰進士知福清擢浙江道御史歷今官予祭一

或子與部右侍郎魏養蒙協理京營戎政
二期寅初宣城梅振祚宣祚私置婦徐氏諸生共攻之督學御史熊廷弼斃訐者為永縉於杖下巡按御史荆養喬謂廷弼庇奸徇前諭德湯賓尹也跡上投劾去廷弼辨杖之由以行
湯非發奸也左都御史孫瑋請養喬勘廷弼杖之時言路喧
囂給事中李成名孫振基麻僖陳伯友等御史李邦華馮夢
禎魏雲中劉策崔爾進李若星滿之祥翟鳳翀徐良彥主勘
給事中官應震姜性吳亮嗣梅之煥亦詩教趙興邦等御史
黃彥士等南京給事中張篤敬御史周達等駁之 上俱不

問瑋不自安求去

癸巳國子祭酒方從哲為吏部左侍郎

大學士葉向高吏部左侍郎方從哲主禮闈閣臣止向高
上特命之向高言票擬未便命仍送闈中票擬前此未有也
辛丑御史劉廷元劾光祿寺少卿于玉立依附東林翻覆風
波宜顯斥不報
禮科給事中曾六德以奏辭被察部主事李春熙江山知
縣程鵬舉語侵尚書趙煥左都御史孫瑋於是煥瑋論其撓
察請六德香山典史

丁未南京國子司業溫體仁為左諭德

巡撫陝西南翰右僉都御史崔應祺牛應元並罷

兵部員外郎張應徽大理寺評事陳向庭各奪俸二月俱主

試四則得王應熊誤填周繼昌以卷號誤也放榜後改正繼

昌訴於朝被罰

庚戌增會試額五十人

三月未朔予故後軍都督府帶俸都督同知陳承恩祭祭承恩

仁聖太后從子

封宣聖慶符王

乙酉命禮部嚴覈庚戌搜卷中式十八人殊墨先是韓敬開

住謂不足盡宜革秩聽勘至是科道交論而前禮部右侍郎

吳道南上號簿誤入賈繼春卷繼春時知任丘揭辨始白蓋

中搜本賀娘非繼春也

革清江厥紅務提舉以淮揚二府同知領之

命脩建倉廩歸戶部

四庚寅故總督尚書李汝子楨陞詹中書舍人應襲錦衣衛指揮

同知至是原承文廕

淮晏大水雪封兩淮五春

壬辰禮部左侍郎翁正春為吏部左侍郎江西左布政使石

應麟為順天府尹

兵部尚書任象乾請福王之國有旨親王之國祖制在春今

諭期矣其明年春舉行

甲午常澶嗣上蔡王

乙巳建州衛以八百騎屯清河湖市中又合西丁

瓜兒兔卜兒寧賽等二十四營同掠北關問匿壻狀巡撫張

濤告急

辛亥東炒化糾寧賽煖兔等以萬騎屯玉文谷陷七臺殺

千總佟脩鳳等我失亡五百四十人張濤稱堵截功兵科

都給事中張國儒駁之

乙卯前巡撫鳳陽右僉都御史李誌為南京刑部右侍郎

五月未少詹事孫慎行為禮部右侍郎署部事

甲子四川廣安州星隕聲如雷

丁卯左都御史孫瑋左副都御史許弘綱各求去不允仍諭

吏部都察院曰老成幾人皆杜門疑畏甚傷國體今後如恣

肆煩言誣奏要譽必罪不宥

辛未葉向高言福王之國奉旨明春舉行頃復以莊田四萬

頃責撫按如田頃足而後行則之國何日聖諭明春舉行亦
寧可必哉福王奏稱祖制謂祖訓有之乎會典有之乎王所
引祖制抑何指也如援景府則自景府而前諸王莊田並未
出數千頃外獨景府踰制皇祖一特失聽至今追咎王奈
何尤而效之自古開國承家必循理安分為可久鄭莊愛太
叔段為請大邑漢竇后愛梁孝王封以大國皆身及而敗覆
轍相仍難以枚數臣不勝忠愛之念不得不明言之耳
左庶子何宗彥為少詹事署翰林院事
壬申故巡撫大同右副都御史張悌贈兵部右侍郎故南京

吏部右侍郎趙士登贈右都御史

乙亥巡視兩淮鹽法御史徐縉芳駐至巨萬工料給事中劉

文炳論之三縉芳再辨署都察院事刑部左侍郎張問達言

不可不問遂下巡按訊之

癸未裁貴州新添衛參將

乙酉烏撒土舍安效良與安龍翔爭立朝議以效良嫡裔立

之雲翔益悍逐效良焚劫烏撒四川撫按吳用先彭端吾各

言効良為安雲龍從子雲翔其從弟親疎判然仍立効良姑

復雲翔冠帶報可

丙戌封求柱晉王

壬午小石兔五路台吉等始市得勝堡

六月丑錦衣衛百戶王曰乾訐奏孔學與妖人王子詔詛呪

皇太子又刊木像於聖母皇太后釘其目語多涉皇貴妃

鄭氏福王葉向高語通政使 上怒向

高揭曰乾孔學皆京師亡賴訟刑部未竟又擅入皇城放砲

刑部擬辟遂請張至此此大類往年妖書但妖書匿名難詰

今兩造在法司其情立見 皇上第靜俟弗為所動則滋

擾工意解遂不問 東宮遣取閣揭向高曰 皇上既不

問則殿下亦毋庸更覽尋御史 以他事叅曰乾下獄

談遷曰妖人詛呪是江充巫蠱之故智也稍迹其事衛太

子之禍立見福清以妖書為鑿聲色不移而奸弁之計沮

矣故曰見恠而不怪其怪自消

恭順義王小石兔始受封二年十二月望日

戊戌福王求食鹽戶部以路王例歲支本色鹽千引外加三

百引報可 辛丑巡撫寧夏右僉都御史崔景榮考滿加右副都御史

壬寅復 拜寅貢賞先年犯南水谷停之

謚內江王宣諤恭穆

丙午寧夏地震蒲縣大蝗

論內閣福王明春之國不再待

戊申免湖廣鄆縣田租有差

辛亥廣東珠池百萬曆三十二年十二月望恩詔停採時金

吾右衛指揮倪英上章請開於是刑科給事中郭尚賓論開

採之害不報

乙卯炒化乃蠻等首連犯平丁大寧張濤告捷

七月己朔禮部請瑞王婚時王年二十三選淑女待期者四年

己未始立韓府宗學

永浙安東縣田租

己丑左副都御史許弘綱致仕

丙京江西河南大水

丁卯宣府大同雨雹傷稼

總督兩廣兵部右侍郎兼右僉都御史張鳴岡為南京刑部

尚書

戊辰王繼芳嗣靖遠伯

癸酉寧夏天鳴

巡撫浙江右僉都御史高舉劾免舉貪鄙南京陝西道御史
趙紱論之

是月貴州苗賊劫鎮遠衛官軍失利

八月丑瓊州生黎羅活等掠儋崖瓊定諸郡合黎勒之以官
兵驛騷反敗命禱知州林應材等秩初生黎以香易土人牛

巡兵奪牛黎忿殺數人黎將俸功兵備姚善等率象掩

之大敗總督張鳴岡遣勦又大敗遂調大兵黎走險深入斬

老弱數百級官兵至一崖有蘓軾碑明示用兵之死亦奇矣

廣西總兵張萬化征黎先登深入無後繼發憤自焚死萬化

世福寧衛指揮使歷銅山把總温州守備惠潮叅將為人洞

精簡易食糲衣粗給米如士卒與士卒雜戰得海盜用以

庶寅葉向高屢引疾不許向高言閣員大僚巡撫各廢棄候

補各官工俱報聞

甲午始命暑讞

乙未濟南充登萊東昌大水青州大風雨拔木發屋

辛丑廣西湖廣大水

折漢川災租免黃梅長沙湘陰善化等縣逋稅且賑之

乙巳命錦衣衛釋滿朝薦王邦才卞孔時

丁未選翰林院庶吉士曾楚卿葉燦棟玄暉羅喻義李國椿
繆昌期孟紹虞王應熊孔貞時劉鍾英周希令姜逢元楊景
辰劉鴻訓馮銓韓繼思王祚遠申廷謨暴謙貞史永安李孫
定蕭命官胡胤嘉
唐戎趙祖芳嗣武靖伯

辛亥夜月犯軒轅南第五星

壬子增武舉三十人

命南京五品以上官仍赴京給由其餘免赴京考滿
前巡撫貴州右副都御史王體復卒體復山西太平人隆慶

二年進士授工部主事歷今官予祭葬

甲寅丁克敦等犯遠東中後所官軍擊斬二十級

九 丙辰朔建州衛遣子巴卜海入質巡撫張濤以聞

自攻北關越耕遠地遣使于骨里訴舊耕地一成化某年一

萬曆二十七年至今無異又北關匿壻非我犯順也願質其

第七子委其哥出巴卜泰弟也濤信之遣官籍大成同頭目

阿都牙骨里等三十餘人至廣寧兵部言真偽難辨留之見

紹不如遣還從之

談遷曰信不由衷質無益也遣還質子於策未為失而不

救北關狗其飾說彼所謂驚鳥將擊必歛其翮而我昧於
控縱徒為人玩弄於股掌之上耳

丁巳巡撫貴州右僉都御史桂胡芳剿蜡業阿抱克之初普
安衛指揮王嗣統追賊見殺至是檄宣慰安克臣兵乃克
遠東大水

復故巡撫福建右僉都御史阮鶚官補祭葬從其子自華之

請

戊午宣廷綏寧夏甘肅之捷延鎮斬五百六十有奇寧鎮
斬一百七十有奇甘鎮斬三百三十有奇

庚申犯大寧堡官兵禦卻之

隆卜雙善二族番人掠田家寨巡視陝西茶馬御史張銓以

聞初番人歲中馬百四十匹賞幣二茶十錠銀牌十西路副

總兵祁德令家丁混領致變命貶德二級

癸亥總理河道工部右侍郎兼右僉都御史李景元卒景元

字大名入萬曆己丑進士授戶部主事歷今官守制未

任予祭葬

丙寅前南京刑部尚書李栢卒栢字 陝西慶陽人隆慶

五年進士知高平拜廣東道御史歷今官予祭葬

庚午夏撤勒台吉等犯榆林總兵官官秉忠敗之

復炒化撫賞

己巳夜月食

辛未兵部尚書王象乾請福王封舡如往日潞王例時通灣

集快舡二百二十有奇民舡四百有奇候久資竭人多若之

壬申吏部左侍郎方從哲前吏部左侍郎吳道南並為禮部

尚書兼東閣大學士直文淵閣

乙亥初朝鮮國王李昫奏臣倭之枉詔曰朝鮮世稱恭順朕

所素知倭奴窺伺還嚴行脩備以絕狡謀不必以道路訛傳

自生疑累其釜山港設市視先年條議舡數留浦日期不得

及寸踰越以起戎心

吏部尚書趙煥乞休出城時推年例河南道御史湯兆京以

不預聞糾之御史孫居相又糾煥命奪居相俸六月戶部郎

中賀煥謫

先是烏撒土舍安雲翔逐安効良實水西安克臣王之至是

四阻既克臣借追印發兵數萬薄霏益州城下恣掠命兵部

議其罪

議其罪

癸未夜月犯木星

十月朔朔禁浙西人販

丙戌南京刑部右侍郎李誌為吏部右侍郎

戊子許左都御史孫瑋致仕仍以大臣徑去責之

禮料給事中元詩教言今日之爭始於門戶門戶始於東林

東林倡於顧憲成後刑部郎中于玉立附焉憲成自賢玉立

自奸賢奸各還其人而後奔競招搖廣權布黨羽翼置之言

路辰併列在諸曹關通大內閣部操縱朝鮮大權握於東林

三年京察則處王紹徽年例則處朱一桂行勘則處熊廷弼

黨同伐異顧憲成而在寧願見之哉末刺葉向高向高奏辨

已丑建州衛衛攻北關圍金台失白羊骨十九寨二

苗告急總督薛三才巡按張五典請援北關甚切發火兵三

百人助之并稟救贖石鍋六百建人引去

折宿松望江懷寧桐城銅陵東涿當塗繁昌等縣災租其高

淳縣永折折

壬辰以廣東稅監李鳳疾久命內臣阮昇往刑科給事中郭

尚賓言先年廣西稅監沒令四川稅監兼理今何事更遣也

不報不報

丁酉兵部尚書王象乾署吏部事工部尚書劉元霖署都察院
院事
已亥剿四川播猓議用兵四萬留本省頭稅二年贍軍
壬寅太僕寺卿林梓為通政司使

丙午諭內閣曰 聖母稀齡在邇朕當親率 皇太子諸王
祝賀擇次歲春三月涓吉而外議以 上藉口祝壽留福王
也禮部請期諭如之葉向高封還御札力言其不可
十一月未錄甘肅麻山湖功進總督周磐兵部尚書廕錦衣衛
千戶總兵柴國柱廕副千戶

錄延綏響水保寧功進黃嘉善太子太保兵部尚書廕錦衣
衛指揮僉事徐宗濬進兵部尚書廕錦衣衛百戶劉敏寬兵
部左侍郎廕錦衣千戶張承胤官秉忠俱都督同知廕本衛
副千戶餘陞賞有差

錄寧夏黃河毛貴步口斬獲銀定功進崔景榮兵部右侍郎
廕錦衣衛百戶

唐申巡撫遼東右僉都御史張濤劾免下所部議
進葉向高少保兼太子太保戶部尚書武英殿大學士廕中
書舍人

辛酉右庶子兼翰林院侍讀顧秉謙為少庶事兼侍讀學士
右諭德兼侍讀學士周道澄盛以弘立未實為左庶子兼侍
讀洗馬兼脩撰王錄宗劉一燦南京國子司業顧起元為左
諭德兼侍講左中允兼脩編何如寵周如磐張以誠為右諭
德兼侍講龔三益為右中允兼編脩檢討薛三省錢象坤鄭
以偉為右贊善兼檢討

壬戌命百官禱雪

前少庶事兼翰林院侍讀學士全天叙卒

前兵部左侍郎賈應元卒應元字

遵化人嘉靖壬戌進

士授工部主事歷右僉都御史巡撫大同加今官予祭葬贈

兵部尚書

增南畿湖廣學道各一南畿於西自廬池鳳陽寧國太平應
天安慶滁和廣德為一東自徐淮揚鎮江常蘓松為一湖廣
分洞庭為界武昌漢陽黃承天德安荊岳鄖陽襄陽為一其
南常德長沙衡辰永寶慶為一

壬申長至日御馬太監邢洪毆巡城御史凌漢卿於朝洪侵
馬料斃人騰驤四衛千戶蘓應詔等訴於漢卿逮治其校人

故銜漢卿復群諱獄門欲奪校人事聞御史俞誨李微儀李
凌雲等乞嚴訊不報

已郊定襄縣天鳴地震

是月銀定反青等犯西邊官軍共斬一百五十五級

十二月甲申朔蠲南畿萬曆十五年至十八年漕折積逋

庚寅進葉向高少傅兼太子太傅吏部尚書建極殿大學士

廢尚寶司丞

定福王明年三月二十四日之國

幸郊時臺省分門戶共攻御史湯元京孫居相周啟元李邦

華等皆以東林而延宗文劉廷元官應震吳亮嗣田一中等

攻之戶部郎中李朴為東林不平論科道結黨贖貨於是葉

向高為解降朴三級調外仍戒諭科道

御史潘汝禎李禮科給事中周永春等請勘庚戌場弊

以湯賓尹分閱易二房隔房搜中十七人韓敬王濬孫枝芳

王字主沆馮汝京丘元麟陳應元趙昌期楊嗣昌馬呈德夏

嘉遇朱童蒙史孔吉楊之璋俱文優也論周士皋文劣已沒

亦亡論惟兩房互易者分別議處時諸人筮仕且給由而追

衡其文前未有也

癸巳補給老樞軍民宣慰司印

丙申福王請減莊田從之定額二萬

壬寅太僕寺少卿楊應聘為右僉都御史巡撫寧夏山西左

布政使郭光復為右副都御史巡撫連東廣西左布政使黃

承玄為應天府尹

甲辰祀寧遠參將郭有中百戶劉國明死之後贈有中都

督僉事國明指揮僉事立祠

丁未皇太子元妃郭氏薨

庚戌國子司業孟時芳為右春坊右諭德署翰林院事

欽州漸凜營把總譚三連入安南稔車山開農旅定之

是年宋儒羅從彥李侗從祀孔廟

李之藻曰羅李二儒位列楊龜山之下似也但元晦受業

於延平之門伯恭仲默亦皆後輩西位躡羅李并躡龜山

分義尚平必須更定

雲南宜良諸生梅友竹無賴見逮購蒼甸賊攻縣知縣龔著

拒卻之殺友竹於通海賊為沐氏莊丁歲深劫

... 矣 華 不 辭 罪 效 未 回 於 孫 氏 爾
... 矣 華 不 辭 罪 效 未 回 於 孫 氏 爾
... 矣 華 不 辭 罪 效 未 回 於 孫 氏 爾
... 矣 華 不 辭 罪 效 未 回 於 孫 氏 爾
... 矣 華 不 辭 罪 效 未 回 於 孫 氏 爾
... 矣 華 不 辭 罪 效 未 回 於 孫 氏 爾
... 矣 華 不 辭 罪 效 未 回 於 孫 氏 爾
... 矣 華 不 辭 罪 效 未 回 於 孫 氏 爾
... 矣 華 不 辭 罪 效 未 回 於 孫 氏 爾
... 矣 華 不 辭 罪 效 未 回 於 孫 氏 爾



書